

近

華

記

觀大

上海
廣益
書局
出版



新輯 分類 近人筆記大觀卷三

● 情愛類

汪瑞闈之豔遇

沈肝若

汪瑞闈字頤苟安徽盱眙縣人甲午舉於鄉以兄某聽鼓蘇州特持墨卷千冊往爲張羅計至則下榻觀前寓中兄將其卷分贈同寅凡受者皆厚饋綜計所得已有毛詩五部之間頤苟驟獲巨款遂日與無賴冶遊花街柳巷罔不有其蹤跡時有私娼玉寶廿四橋產旅蘇賣笑久歷寒暑口操吳語極婉轉流利身材適中妖冶生成頤苟一見傾心酒局連綿未浹月已罄其所有自是玉寶益殷勸獻媚兩情歡洽如漆如膠其兄聞而責之頤苟頗不自安求計於意中人玉寶微哂曰是曷難儂當賃屋爲君居不較阿兄寓道遙百倍耶頤苟曰斯固吾所欲奈囊篋已空何曰有儂在曷憂遂於香巢鄰近租屋一所雙宿雙飛儼然伉儷久之漸有播其事於玉寶素有秘密關係者故咸相戒裹足自是門前冷落車馬稀獨富室程某尙戀戀不忍捨棄一日酒酣耳熱戲玉寶曰小白臉兒汪六常來耶曰雖不時相見終無特別感情非若爾我形影不離程悅曰小妮子真會灌米湯余徧體骨頭都鬆矣繼而曰速爲我喚汪六來玉寶覩其醉狀置不理程一再催促甚至大發雷霆玉寶乃謂大人識此君耶曰然俄頃一

翩翩少年至程指謂玉寶曰是人卽汪六少耶玉寶笑頷之程起立長揖曰久仰盛名未聆塵教用特不避同靴之嫌而行與友共樂之義今覩先生丰儀信非凡品鄙意盍納粟爲官置身政海異日豐功偉業此爲始基先生有意否願承教頡荀以阮囊羞澀淡於名利對程曰經濟一層可毋慮弟當代籌措頡荀再三謝相持勿解玉寶拍汪肩曰程老厚意良可感儂知君特未便直言志固在太守或觀察耳汪語塞程悟意慨允假巨金捐納知府雙方遂議決程曷爲不惜巨資交權一素昧平生之人其意固在使之遽行作官不難將玉寶藏諸金屋獨享溫柔豔福無復有人分羹慾令智昏竟未思玉寶鍾情於頡荀早許以身事之迨頡荀將北上引見彼美已撤去標幟計偕入都矣程某以人財兩空悔恨不置云此事聞諸故友汪君魯懷卽頡荀之堂姪也

桂香

王漢章

桂香姓張俠姬也宅卜橫橋家鄰曲水迷香有窟竄笑多金當錦瑟之華年具紅綃之特識客商某寥落白門所售折閱當未失業時與姬狎商旣失業乃落魄不能歸亦自慙形穢不敢低徊於馬纓花下姬一日三遣使招之商感姬殷乃就居焉鶉不願也然以姬愛護故不敢加白眼居二年商自思所依非長久計頗萌歸志姬厚助之且約以歸期商曰所業果得復當再至秣陵續舊遊拾墜歡否則願終

身。不。出。山。西。一。步。死。且。作。并。州。鬼。也。姬。揮。淚。送。之。行。商。既。返。東。人。不。之。咎。更。益。資。使。再。往。金。陵。商。本。樸。愿。力。辭。不。就。曰。命。乖。運。蹇。人。不。敢。有。大。志。也。東。人。相。知。深。力。促。不。克。拒。乃。勉。強。就。道。及。再。至。桂。香。已。他。去。惟。商。人。殊。感。念。之。時。金。陵。某。巨。官。登。往。子。也。其。屬。吏。有。自。杭。滬。購。珍。異。至。者。率。得。僂。差。然。意。終。不。快。也。有。湘。中。某。僧。以。進。士。爲。江。南。尹。工。鑽。營。學。爲。桂。香。贖。身。以。爲。活。苞。苴。進。焉。既。進。乃。大。得。知。遇。擢。印。綬。去。將。括。地。皮。以。求。償。也。桂。香。詐。爲。孕。曰。某。僧。之。物。也。巨。官。震。怒。曰。豎。子。何。人。敢。侮。余。然。則。奈。何。曰。本。有。夫。也。如。見。憐。當。爲。我。圓。破。鏡。曰。在。何。許。曰。夫。本。山。西。賈。客。置。已。金。屋。者。二。年。矣。爲。大。婦。所。遂。故。爾。巨。官。以。小。肩。輿。送。歸。客。商。焉。未。幾。巨。官。及。某。僧。皆。以。聲。名。敗。挂。白。簡。而。商。則。利。市。十。倍。矣。匪。姬。具。獨。眼。其。孰。能。與。於。斯。

屈美

王漢章

漢。上。妓。屈。美。字。香。草。本。名。玉。姑。有。客。爲。之。易。名。也。漢。皋。人。年。始。十。七。八。貌。不。逾。中。人。而。媚。態。娉。婷。舉。止。可。人。意。見。之。者。爲。之。顛。倒。父。本。業。屠。年。邁。而。折。閱。貧。乏。不。能。自。存。又。無。子。嗣。膝。下。止。玉。姑。一。女。而。已。乃。使。玉。姑。操。賤。業。以。夜。合。者。資。日。給。說。者。謂。爲。屠。之。報。也。漢。上。多。游。女。其。實。大。道。倡。也。有。名。住。家。者。如。玉。姑。是。客。來。無。載。酒。聽。歌。之。事。惟。月。上。柳。梢。作。巫。山。佳。夢。耳。玉。姑。既。失。身。火。坑。中。思。有。以。自。拔。又。念。父。老。

舍此無謀生計。輒勉強自慰。益蕩而愛者益多。門前車馬有如市之狀。然非尼至再三。不一低眉首肯也。會孝感某令史。至尤相暱。每至省必息裝。玉姑所故憐其遇。取美人香草意名之。令史妻奇妒。側室人以沴磨致斃者數矣。玉姑不知也。邀令史以嫁。娶意令史重感其情。又無以爲之處也。乃微示其意。玉姑曰無妨也。因相與易同心之結爲同穴之期。未成。讎之盟。先築鴛鴦之塚矣。遂於七夕向晚時。窺雙星渡河候。憑欄私語。繼以嗚咽。忽又薰沐易新衣。搗母心疑之。清夜旣闌。置酒對酌。盈盈相視。大有慘沮之色。搗以爲將離而怨也。不之意時戶已閉。搗心志忑。終不自安。乃自窗罅潛察之。則見二人者。始則飲泣。繼則無聲。舉樽而飲。若恨者。移時頽然倒地。搗知有異。破扉視之。已不救矣。夫玉姑爲妓。下乘而令史不過一胥吏。流情緣旣締。固結而不可解。至以身殉。安得謂非世之情種哉。

渴相如一則

許指嚴

某歲夏。予自滬暑假歸里。問家人有新聞否。妻弟告予曰。疇昔之夜。旅館中一男子服火柴藥。致命人。嘖嘖傳其情節。乃奇甚。今家族來訟於法庭。事牽連一婦女。內幕曖昧可知也。顧其人亦癡絕。此女一蕩婦。里中久著名者。彼癡兒乃視爲良家子。至不惜以身殉。異哉。先是女爲某家童養媳。姑以其不貞。常詬厲之。女潛逃者屢矣。姑死。夫無賴。女公然與里中蕩子游。索夜度資焉。不知因何緣助。忽往居揚。

州之某巷綠楊城郭大好春光諸蜂蝶爭來探視女乃獨開異想賃廡數椽作小家碧玉身分雇一媪如賣漿阿姆豔囹既設顧影自憐又善搔首弄姿以誘諸少年少年趨之如蟻附羶有布肆子某甲年甫及冠偶過之見女掩映門側豔之誤爲藍橋雲英也啗媪以重金將通殷勤女知其可欺乃愆惠遷居僻處謝絕諸少年專致力於某甲不一月輸金幾達千女乃誘以婚嫁事計將得其聘金及衣飾等卽捲逃也而某甲以兼祧子承嗣母命欲娶女爲次妻不欲置諸外室女思已本有夫志在攫錢爲自由縱慾計安能怱怱倪倪爲人主中饋事舅姑哉乃詭詞以謝曰妾尙有母年老多病故未能來此今此媪乃姨也不能爲妾主終身君果以妾爲念不棄葑菲則妾須返毘陵故里稟命於母然後可行且母常以書來欲妾迎養妾以飄蕩之身不欲老母奔波故未能決今承君寵愛俾無失所則老母風燭殘年皆賴君爲之庇護何幸如之某甲亟贊其有孝思促女卽日南下迎母來揚且爲之助裝饋贈頗豐女忻然計得瀕行矣某甲忽來曰天從人願吾適欲往毘陵一游可與卿偕卿當不思長途寂寞矣女佯作喜悅狀而心大驚憂恐直窮到底無以遂其兔脫之計也然亦無可拒絕遂行既至常居逆旅中女則詭云往鄉間覓母與甲暫別甲不允必欲偕行女不得已乃邀甲至家見故夫詭云親兄夫見其攜多金亦願以元緒公自居也是夕女仍至旅館伴甲宿忽其夫糾集流氓三五破扉而入與甲爲

難指爲誘掠人妻。須相見於官廳。甲怯懦不敢與校。立書券數百金。畀之。夫聲言自往廣陵取金。須如數取足。然後釋甲歸。乃令惡少二人守甲所居。不令出入。自是女亦遁去。不知所之矣。甲念人財俱失。而又歸無以對母。妻遂以燐寸和火酒服之。祕不告人。及毒發。又無人知覺。故不及施治。所守之惡少見勢不佳。先遁。逆旅中侍者亟奔告主人。業已絕命矣。乃報官請驗。且歷述女之蹤跡。及其夫劫詐狀。官捕女至。女侃侃不諱。且言己自有夫。甲強欲奪之。已亦無術可施。勸之歸。又不肯。故暫離。此間以絕其望。不知其遽尋短見也。官雖斥責女之陰謀。而不能按坐其罪。且欺詐罪亦不成。立蓋其夫未返。則無證據可憑也。遂令棺斂。甲候家屬至。具領而釋。女出。女猶揚揚自得。對人曰。我並未相害。渠自尋死路耳。予（妻弟自稱）曾目睹其態如此。予長歎而志之。大可引爲青年漁色自戕之戒。

又莊君恂伯言有某姓婢。絕媚其主。垂涎者屢矣。而主婦防禦甚嚴。不獲逞。主乃求計於其好友某君。某君有妾某氏。夙與某主家屬通。往來請爲計。畫妾曰。可令婢來。予家當爲之地。某喜。百計使婢往某家。婢媚妾甚。至妾令婢拜已爲義女。而謂某妻曰。吾有義子爲某。肆會計年逾冠。而無室。吾將使若義兄妹諧伉儷。夫人之意何如。某妻防某之染指。急欲嫁婢。聞妾語大喜。諄懇托且曰。苟其人允洽。願不索多金。妾諾之。旣而某日走妾家探訊。妾不以實告。遷延再四。始給之曰。尊夫人索金千數。百不滿。

其慾。整終不待問津也。某性本吝。自是不復能顧惜。竟許某妾以千金。僞爲人家購妾也。者別以五百金謝妾。妾故作難色曰。千金恐尙不足。快算夫人之意。惟竭吾棉薄。終當就範。所慮者爲人受過事大不易。他日春光漏洩。妾之鷄肋。萬不足當河東獅子之爪牙也。況敢貪天之功。覬覦謝金哉。即使香巢暗築。秘密多方。然尊夫人之耳目。頗廣。決不能久安。長治無已。吾爲斡旋之術。使義兒承此。幌子政由寧氏。祭則寡人之策。大可仿效。君其有意乎。某躊躇良久曰。吾惟畏吾牀頭人。故求救於子。實偏處此。敢不惟子是從。第彼李代桃僵者。宜守虛君之約。設欲侵權。將惟子是問。妾曰。此無他。以金錢主義。收拾之可耳。月給若干金。令其別置一室。亦非難事。某不得已。乃出二千金。畀某妾。令爲部署。妾使其義子持金聘婢。人皆知某姓婢嫁某肆夥矣。而不知黑幕中。乃主人翁爲消渴地也。願某夥年少壯亦善修飾。某不能常居婢所。而婢與夥名義上。又爲正式夫婦。珀芥礎針。不能無所感動。於是明修棧道。暗度陳倉。已非一次。婢性本蕩。漸與某夥生戀愛。厭主人老羸待之意。益薄某覺之。大致詰責。欲逐某夥。婢往訴。妾知婢意所在。曰。子能媚主。取其金以畀我。我當爲子畫策。婢果使計。攫某囊金以賄妾。妾乃嚇某夥。揚言謂某無故占其家室。將往訴於檢察。以求直。某聞之懼。以請婢。婢假寤不吐實。某窘甚。復求計於妾。妾乃判某須再出千金。資某夥別娶。否則恐難解決。某計前後費金三四千。而僅食人。

之。餘。心。不。能。甘。一。夕。挾。刀。入。婢。室。欲。令。婢。與。已。同。死。婢。大。號。而。出。事。始。洩。某。羞。憤。病。幾。殆。婢。與。夥。竟。偕。遁。去。

千葉葵

沈肝若

藩。陽。西。關。外。某。姓。院。中。有。千。葉。秋。葵。花。一。叢。極。茂。盛。其。色。深。黃。有。殷。紅。之。綫。緯。之。爲。世。所。不。經。見。者。余。旅。居。是。邦。時。亦。曾。往。觀。之。洵。不。誣。據。邦。人。云。此。院。爲。畢。姓。故。居。畢。爲。南。方。人。流。寓。藩。陽。已。有。年。四。十。餘。無。子。息。夫。婦。禱。於。西。塔。西。塔。者。喇。嘛。廟。也。旣。歸。畢。婦。卽。夢。散。花。仙。子。以。葵。花。一。枝。相。授。遂。有。姪。是。年。卽。生。一。女。因。名。之。曰。葵。姑。未。一。週。畢。婦。棄。世。畢。以。呱呱。者。不。任。撫。育。納。西。鄰。婦。某。氏。爲。繼。室。乃。畢。又。相。繼。而。沒。幸。某。氏。無。所。出。撫。葵。姑。如。己。女。及。長。姿。容。殊。麗。遐。邇。稱。且。自。幼。入。塾。讀。頗。識。文。義。欲。委。禽。者。踵。相。接。而。某。氏。皆。未。之。許。其。時。正。值。日。俄。戰。爭。遼。東。半。島。忽。如。鼎。沸。居。此。者。咸。作。遷。地。爲。良。計。於。是。某。氏。亦。欲。挈。葵。姑。赴。某。堡。乃。葵。姑。意。竟。大。沮。謂。不。如。西。去。入。關。某。氏。不。聽。葵。姑。無。如。之。何。約。詰。朝。卽。須。舉。室。行。因。勉。強。與。其。母。摒。擋。雜。務。某。氏。倦。極。而。寐。至。曉。始。醒。倉。卒。呼。葵。葵。不。應。起。而。覓。之。見。院。中。曉。霧。冥。濛。中。有。幢。幢。者。二。人。倚。壁。而。臥。亟。趨。就。之。則。葵。與。一。無。名。之。男。子。已。相。偕。刎。頸。死。鴛。鴦。血。泊。顏。色。如。生。某。氏。駭。極。狂。呼。鄰。右。畢。集。始。識。男。子。周。姓。幼。時。曾。與。女。同。塾。讀。而。實。誓。有。白。頭。之。約。者。先。是。葵。年。及。笄。

某氏卽令輟讀守閨訓。葵雅不願，仍時赴塾中，就師質疑義。其實則託故與周姓子謀一面耳。旣而某氏欲以葵姑字其戚，某氏子葵不可，婉阻之。某氏意大拂，思強行之。葵乃憤不欲生。某氏無如之，何姑寢其議，意將乘機以玉成之。其時周姓子亦嘗倩冰上人來，乃爲某氏所拒絕。葵聞之，鬱鬱不自聊，屢欲直陳於母，而嘔喘不能出。諸口會避亂議起，某氏忽心有所動，蓋戚某世居某堡，以爲此時不挈其女往婚，事何能復諧。機緣之來，正如千載一時，而葵則逆知其母意之所在，欲梗而不得，遂與周姓子約本擬共遁入關中，不意周姓子倉卒商之家人，竟大遭其父母之呵叱，謂亂離之世，自願且不遑，惡能更爲爾庇及淫奔之女。周姓子計無所出，因與葵共作畢命之計。畫生不能爲比翼鳥，死當化作連理枝。情之所至，白刃甘蹈，一對苦鴛鴦。於是互刎於牆下。當時兩姓之人均以兵革在前，未遑深究。祇草草爲之瘞埋於死處而已。迨戰事平，某氏復歸來，始檢兩人遺骸，葬之他處。而是年院中忽茁葵花千百枝，花大於盆，咸作並頭，知其事者無不奇之。余記宋末大名民家有男女，以私情不遂，赴水死。後三日，二尸相攜而出於水濱，是歲此陂荷花無不並蒂者。李仁卿治賦摸魚兒詞以紀其事。至今傳爲佳話，以此儷之不亦後先媿美耶。

記洞庭尼阿二

沈肝若

洞庭女尼半作賣笑生。滙與梁溪惠山尼相仿。尼皆作時世裝。惟頂不著髮。四周有鬢鬢者。覆額際及腦後。值民家有喪事。延之誦經。或執紼送殯。馮家設齋供。出者尼亦入席。執蓋勸客。間以笑謔不禁。馮海虞吳生有姑嫁西山。年一往省。值姑家有喪事。與女尼阿二者遇。阿二丰姿綽約。吐屬溫文。吳一見傾心於席間。暗躡其足。阿二嫣然送以微波。心益搖搖。將散。阿二密告以居址。曰：儂住山後雙清院。誌之。吳顛首示必往。意目逆而送之。雙清院者非若普通之庵堂也。不過具名而已。實則與滙上妓女之商標等。或林或觀。隨意題之。不知者咸以爲清修梵行之蘭若也。此中女尼皆來自客籍。鮮有土著者。阿二亦錫產七八齡。隨其師靜仙來。靜仙不知何許人。其來也已三十餘。能書畫且嫻武技。阿二盡得其傳。靜仙今已五十許矣。退而別居一室。一雙媪供炊事。洒掃應接皆自爲之。惟拘束阿二極嚴。凡子弟來遊。必先經靜仙一當目許可。而後晉接之。違則戒以規律。用皮桮桮其手足。三五日不等。阿二絕憚之。是日由喪家歸。忽忽如無俚坐。則傾耳立。則凝眸。冀吳生之接踵來也。遲三日。吳生不至。阿二遂病。偃欠不能離牀榻。惟聞門環響。必遽然起。見來者非吳生。廢然復臥。靜仙察其狀。知有異。以好語誘詢之。阿二遂陳吳生爽約不來。故靜仙笑曰：此無關緊要事耳。何不早言之。往日汝歸後。卽有人持書來。屬余手披之。洵是吳家郎君所郵言。因母病亟。當歸里約。明春再至。余以爲誰氏子。欲規避汝。

需索故作假語以欺人也一笑置之未及告汝不意汝乃爲之顛倒夢魂也於是卽入己室須臾取書出授阿二讀之信病若失時方臘月初旬乃靜候春來晨占鵲喜夕卜鏡花此中况味誰能共之而靜仙自刺探得實防範益謹不令見生客然阿二亦已猜得其意旨所在遇有生客來必私窺之苟非意中人亦樂於不露色相焉會元夕里中儂薄少年之好事者議作創舉奏鼓樂於街坊喧闐過舍外阿二聞而出觀之諸少年驚其豔入以游語尋至近身阿二怒飛一足中少年臂少年痛不可忍呼女尼傷人於是羣少年俱前阿二出立街心左右前後格以手衆皆不敢上正紛擾聞靜仙聞而出未及語羣少年以爲此尼衰朽可欺遂舍二而搏靜靜仙擇爲首者擒之執其兩臂使禦衆衆又辟易阿二從旁吃吃笑不意有自後拍其肩者以爲諸少年又乘隙而進也違反手猛攔之突聞嘻汝胡爲語音甚審亟返顧不覺顏頰蓋所攔者非他卽眠思夢想之吳生也吳生聞二臨去語卽默誌之詰朝試往覓不能得薄暮始悵惘而歸以爲阿二給已也姑置之然花前月下猶時一憶及焉一日偵知當日微阿二來者爲某戚竊喜亟踵訪而詢之某見其誠懇狀故祕之不以實告謂近已遷居山後某巷某巷者卽阿二所居之鄰近也意將使其紆迴而得之吳生聞之大喜以爲桃源咫尺大可鼓棹前進不復有迷津虞矣詎知踏破鐵鞋仍無迹兆返而詰之某某仍支吾其詞日復一日蹤影都虛時已歲暮矣

家書頻至。催促歸裝。乃心有所戀。舍之不忍。因詭言歲首例當復來。省路途跋涉。不如省卻一番奔波。其姑亦聞而慰留之。始已此一月以來。吳生足跡實已踏遍雙清院之左右前後。每當夕陽西下。路人漸稀。必有躑躅巷頭。徘徊瞻顧之一人。則吳生也。是日吳方負手閒行於巷西。忽聞傳言巷中女尼傷人心。大動。試折而入巷來。果見阿二立於前。亦不暇復觀他人格鬪狀。遽以手拍阿二肩。不意竟遭誤擱。阿二見吳生以手自按其頰。知用力過猛。心大不忍。其時衆目睽睽。羞作溫存語。幸衆皆注意於格鬪。咸未屬目。阿二情急。智生隱牽生裙。令掩入院。且藏諸己複室中。囑勿聲言。吾師苟知行且下。遂客令矣。於是復掩而出。適諸少年已甘拜下風。而鄰右又出排解鬪事。寢靜與二閉門入。薄責二不當多事。二曲意承受之。靜意爲之滿。生之掩入。固絕無聞見焉。是屋計三院落。靜所居在前。與二隔一院。殊遼遠。語非大聲。不能聞。故生既作入幕賓。得與二傾譚積愫。知前所授書實爲靜假託。而吳生之所以徧覓不得者。亦以靜欲拒生。客剝落其所顏之故。是夕繼繕備至。眠幾失曉。兩情之暱。殆無與比。二特於複室中除書案。一供生起居。日則鍵之夜則關之。方以爲得計也。越數日。吳生之姑覓生不得。疑甚。適生家書至。又來促歸。程益不解。會某戚至。述及生詢尼居址事。乃倩某戚往探踪跡。晤靜仙及阿二。靜仙坦率。答無吳家郎至。而阿二頰若緋暈。某戚懷惑而歸。以告生。姑共相猜測。謂尼菴往往匿少年。

不令出阿二情。虛生必在是議。訴諸官請往搜之。其時諸僮薄適以不甘受辱於尼。亦架詞赴訴於官。官見雙清院同時發生兩案。情罪加一等。視立出簽票赴當地抄拿兩尼。至於是搜吳生出複室。靜與二皆被拘。官怒將治以罪。生聞之。乃詣官廳直陳其遇。請開脫官原其情。判逐出境。地靜仙遂挈阿二去。不知所終。

情魔劫

程善之

美國紐約克一加非店某夕。有少年三人來飲。加非電光之下。望之皆璧人也。而神宇慘淡。相視無言。衆頗訝之。飲畢。端坐不起。店中人呼之不應。撫之已僵。大駭。以報警察。警察至。搜三人懷。得絕命書於一人身畔。乃知三人同戀一女子。曰霞縵。霞縵者。小家女子。年十六。而以豔名。嘗爲某公司治書牘。公司中之少年。咸爲之顛倒。而會計某君與之尤密。乃爲求鳳之請。不知霞縵在小學校時。已與其同窗之友眉語目成。者久之。顧兩人者。霞縵之母厭其佻薄。意不好也。欲別爲雀屏之選。而英商某有子方綺。年玉貌自倫。敦來適寓其家。乃使霞縵見焉。此三人者。各竭其材力。以靳霞縵之一顧。於是霞縵百折柔腸。乃生奇計。奇計者何。卽爲三人彼此介紹。使相見相語也。三人者。度不得意。最後一舉。乃同殉焉。美之報紙。爭紀其事。於三人者。多致悲歎。乃殯葬之日。執紼者且數百人。霞縵則各以花圈墳。還情。

儻蓋未幾而文君新寡又有相如矣。

● 哀豔類

楚楚

程善之

秀水華琳字璧子年十六肄業於中學校科學西文非所樂惟好詩詞音樂而已課程高下意不屑屑也嘗自校中歸中途見一人類僕役者忽忽急行一紙書自懷中墜不自知也竟去琳偶拾之視封面則書南城某街某第少坤女士啓追呼其人則已去矣見爲女士書啓好奇心起徑持以歸拆視之書曰坤姊近佳風雨困人數日不見園中蕭瑟如平時偶然午睡但覺好夢如雲不自由耳園中弱柳天桃俱已向人作態春意所吹噓醉如中酒人物皆然人偶以芳菲遣興想芳菲亦當爲人銷魂也偶得小詞寫呈一覽時蟲候鳥應時而已姊意興如何爐煙低鼻茗碗微溫觀此聊當清談一度耳末書楚楚檢衽後附蝶戀花詞一首云樓閣沉沉寒意薄侍女窺簾報到桃花落午夢醒時聞噪鵲起來直恁心情惡淡蕩春魂無處著絲縷嫌輕柳絮還嫌弱更遣春雲籠遼漠饒他燕剪雙雙掠琳讀之不覺移情反覆審視字迹一種娟秀之氣尤覺可人不禁援筆題其後曰弱絮知何許遊絲軟可憐春風無限意只爲寄纏綿更封之投之郵筒一時興起信筆爲之旋復自悔而函已去矣念少坤爲何如人其

居址已知。或無難探得也。同學有金姓者。琳素所投契。偶爲述焉。金曰。某街我外家所居也。當爲君托表兄探之。翌日來告曰。得之矣。雖然。爲君一詩。幾誤大事。將若何。琳驚問。故金曰。少坤黃姓女也。父爲一老儒。任某校校員。少坤生而聰慧。詩詞之學。得乃父教。精雅絕倫。其姨母一女。爲楚楚姓。韓氏。尤有異稟。亦從老儒學文。姊妹兩人相約。不入學校。兩人持論。謂往古以來。天地清明之氣。獨鍾於女子。故女子之性情。類多婉嫵溫柔。無絲毫矜才使氣之俗態。卽有一二飛揚蕩軼。亦屬放誕風流。可憐而不可惡。自歐化輸入以後。此等性情。爲之一變。全國女子。一入學校。便人人有粗浮鄙倍之習。令人見之作三日惡。以是兩姊妹每覲面。惟談詩論文而已。非惟不入學校。且不問男女學生。遙望見之。輒走避。兩家愛女。故不責也。昨見君詩。少坤再四循誦。斷爲男子所爲。因大疑。以詩示其父。其父則大怒。直持此詩至韓氏。詰責楚楚。楚楚乃不自知。問投函者。則力言未嘗遺失。兩家皆疑楚楚。楚楚無以自明。投繯者三次。賴家人守之。得無恙。然兩日不食矣。少坤亦以此故。神氣沮喪。乃父尤懼其且暮有他。蓋老儒惟此一女。鍾愛之甚。掌珠不足方也。君好弄筆墨。以成不白之冤。今何以自贖。宜及早設法也。琳大驚。沉思久之。曰。君表兄識兩姓否。曰。識韓氏。琳曰。若此。則僕擬負荆至兩姓之門。卽乞君表兄爲介紹。禍起於僕。僕仍爲明白之何如。金曰。君意甚善。但不宜遲遲。必有變故。君百身莫贖矣。翌日琳偕介紹。

人往委婉。自陳少坤之父。初本盛怒。見琳語蘊藉。丰姿朗朗。如玉山照人。怒爲之解。稍稍談及舊學。知琳具有根柢。非泛泛涉獵者。意轉忻悅。殷勤留餐。且告琳曰。韓氏家男子多就事於外。招待乏人。不可不往。老夫但以此意代達之足矣。於是事始大白。琳心事既釋。願珠玉常前。則又寤寐輾轉之意。念老書生文詞之癖。可以所好投也。於是檢點生平得意之作。將以就正焉。老儒大喜。自是遂以師生之誼。時造其門。少坤雖端嚴自重。然屏角窗紗。亦偶見桃花人面。而楚楚有時。往還姨家。秋波眉黛。亦遂銘於琳心目間矣。久之。琳情不自禁。時時形之吟咏。諗知二女以禮自防。亦未敢造次也。一日琳偶外出。適師來見案上雲箋一幅。題一律。墨迹未乾也。詩曰。百疊金泥錯翠屏。誤人青鳥思冥冥。明知天上無劉阮。不奈人間有尹邢。投筆書空徒咄咄。猜噓疑喜漫惺惺。夢回休問蘼蕪路。霧閣雲窗夜扃。審視數過。嘆曰。渠情有如此耶。不成之亦非了局。袖詩歸示少坤。少坤無語。然春色二分。徐上桃腮。杏靨矣。琳早失父母。持家政有叔別居。遇大事則詢之。以取決焉。一日叔來以姻事告其人。果琳意中也。琳母素嘗聞琳之言者。琳時在校。因不問而許之。聘有期矣。少坤偶至姨氏。姨氏一家皆爲少坤道賀。少坤忸怩無語。平時少坤之來也。楚楚最歡迎之。此時楚楚獨無所言。少坤窺其神宇。慘淡。知心情有觸。欲有以慰之。而難於言。乃指階下秋海棠曰。此花開矣。楚楚曰。此斷腸花也。斷腸底事。姊試評之。少坤不

能○答○坐○久○之○乃○去○已○而○楚○楚○腰○肢○漸○減○桃○靨○日○消○月○餘○而○病○作○矣○少○坤○聞○之○數○來○問○病○楚○楚○皆○冷○淡○無○復○親○密○之○言○病○既○亟○竟○至○絕○粒○醫○藥○雜○投○杳○無○效○驗○少○坤○不○能○忍○一○日○握○楚○楚○手○涕○泣○曰○妹○病○我○知○之○殊○怨○我○我○亦○知○當○時○有○一○言○頗○欲○爲○妹○告○惟○內○有○懷○慚○未○能○出○口○今○妹○病○如○此○不○能○不○言○矣○妹○之○視○姊○情○爲○何○如○豈○有○意○與○妹○爭○幸○福○者○哉○不○過○欲○爲○後○圖○他○日○匹○英○皇○故○事○耳○妹○試○思○以○華○郎○之○爲○人○豈○有○久○無○匹○偶○者○哉○渠○既○以○前○此○一○詩○冒○犯○嫌○疑○致○妹○幾○死○自○不○能○覿○顏○更○來○求○婚○姊○如○固○拒○齊○姜○宋○子○豈○無○他○人○妹○平○日○之○心○付○諸○流○水○矣○妹○倘○珍○重○千○金○軀○姊○必○能○爲○妹○設○計○非○讎○言○也○楚○楚○聞○言○亦○泣○曰○姊○心○事○果○如○此○吾○極○感○激○雖○然○妹○病○已○深○恐○不○及○耳○少○坤○嘆○曰○妹○如○不○救○姊○決○不○出○閣○以○明○此○心○語○未○已○而○楚○楚○母○至○見○兩○人○方○泣○急○勸○止○之○姊○妹○頓○不○復○言○然○自○是○楚○楚○病○益○昏○沉○不○數○日○竟○死○少○坤○哀○號○嘔○血○言○於○老○父○決○言○終○身○不○嫁○父○女○爭○論○數○次○竟○不○能○奪○琳○聞○楚○楚○死○亦○悲○愴○無○已○繼○知○少○坤○不○嫁○益○敬○之○欲○待○其○意○轉○亦○終○不○娶○閱○數○年○少○坤○父○死○因○僑○居○琴○溪○一○尼○庵○以○壓○線○自○給○琳○往○見○之○拒○不○納○惟○倩○尼○授○琳○一○紙○裏○折○視○之○聘○物○也○紙○上○一○詩○曰○宛○轉○琴○溪○水○流○長○恨○亦○長○鷹○行○今○已○折○不○忍○說○鴛○鴦○

張小雲

王漢章

張芸字小雲西泠曲部也出自官家舉止落落固不若三家茅屋下小妮子也父某金陵人以進士宰

皖中某大邑陰貪婪邑民咸側目焉。惟性好週濟困乏，故感之者亦不少。歿後爲匪所劫，宦囊星散。妻已早逝，妾媵輩相率隨所歡去。小雲年九歲，已居塾者三年，舉祖名鄉貫，皆能知之。自是輾轉入某婦家，又鬻之爲某鵠女。小雲年十二，鵠所業落，遂偕之穎上，出餘資賃廡以居。又三年，小雲年十五，稍稍作倚門生活。然碧玉嬌小，猶未破瓜，旋遇客商某，眷之爲梳櫛焉。後隨客至姑蘇，客殂，小雲捲其資有焉。又隨鵠入虎林，遂張豔幟，隸平康籍，掃眉窗下。時玩書史，見者詫爲不似。又以餘暇抱琵琶彈出塞曲，聞者爲之不歡。小雲亦因而泣。下一日，值某生至，留髡送客，相見恨遲，生爲小雲述家世，以自夸。大小雲大號鵠破門入生，與鵠皆愕，胎不知所謂。而小雲哭益哀，鄰娃羣至，以爲有大故也。至亦不解，乃相與勸慰。小雲因曰：彼父公車過皖時，嘗小憩先君公署，曾雨至塾中，視所讀以貧不成行。經先君厚助，始克就道。後聞某公入翰林，出爲觀察，使令某生者，其子也能不慈乎？生亦爲之泣。下數行，某公時已開府，某生且將以知府需次吳下矣。生乃料行囊得金二千餘，爲之贖身，攜以歸。泊歸，生適喪其正室，生父感舊誼，命爲繼焉。小雲固執不願讓，而後可。未幾，以管婢毆妾爲夫所薄，遂墮成癲，狂疾蓬頭，跣足。越十二年，一日以繩自勒，斃。舉三子，皆以發狂疾死矣。論者曰：甚矣佛說因果之不謬也。以酷吏之女，沉淪樂籍，誠爲無憾。特以一善之長，終食某生之報，然戾氣所鍾，惡能自己，乃使有癲狂疾。

並其所育者不得令終嗚呼怨毒之於人深矣可不垂戒

抱琴

王漢章

廣陵鹽商張氏者豪於財而遇下尤苛一夕被盜羣僕佯爲酣睡盜得飽掠去一夕又被火羣僕亦熟視不救因是屢經浩劫家遂中落未幾張死媵妾星散嫡室病替惟生一女小字寶琴母女依依苦不堪狀老媪某獨憐之媪嘗執役張氏者自是徙往同居媪有子習不善市井人呼爲不儘幹未幾琴母及媪先後歿寶琴年十六矣媪子喪未終而佔以爲妻越歲生一子適媪子博大負遂以寶琴及二歲子代償焉受償亦無賴子寶琴轉輾入平康爲倡旣入章臺乃爲紅橋諸院之首姿容娟麗體態娉婷一時無二門前車馬駢闐盈於戶外姬視之殊寂寞客至略爲寒暄無他事也惟值文士則娓娓不倦蓋姬幼時曾讀書史又以所遇顛沛感慨益深故每於興會淋漓時淚隨聲下不自知其所以然而然也常爲人言願爲才子婢勿作俗人妻而貴介某以重金啗搗奪所志焉先是遇某生尤致縉縵生爲易名抱琴不圖正應廓露之識初未料及也至是召生至與面決定以不負夙約遂飲鶯粟酪以死未死時猶陪客飲客強之作糾席斟以酒立盡數觥死時猶帶酒氣春色微醺作桃花色某生蒸之平山堂側從所願也更倩畫史爲繪遺容旣成霧鬢風鬟神韻酷肖乃遍徵詩人題詠一時佳作如林次第

一集卽以抱琴題之爲刊行世更以西洋珂羅版法摹印小象弁之卷首茲將題詠者選錄八首溷跡紅橋瞬數年優曇一現總堪憐生來體態原傾國何處豪華欲並肩紫玉不藏金屋下綠珠肯死畫樓前煙花三月無顏色贏得蕭郎淚湧泉百兩油車繞北邙幃幃爭道杜韋娘玉棺七尺埋秋逕金盃千尋奠荔漿短碣未鐫長恨字故衣猶剩辟寒香最憐錢樹因風折誰把明珠十斛償斷腸草露泛瓊壘飲罷猶斟北海杯秋雨梧桐方落葉春華荳蔻未含胎登筵誰識花將謝閉戶旋聞玉已摧千載紅顏多爾爾冰魂何日夢中回花下何人似蝶癡經年替寫舊丰姿已令海上添精衛漫向城頭聽子規香篋但遺鮫室帕銀鈎空掛象牀帷青樓大道無多子從此臨窗不畫眉又云畫眉窗下憶娟娟正是濃桃豔李年素質自知冰作骨琴心難遇月初圓一痕簾影遮香玉半幅湘紋湧妙蓮此日嫦娥偷藥去低迴碧海更青天惆悵難求聚窟香茶煙禪榻夢清狂東風未嫁花先落流水無聲恨正長生未有緣看碧落死真如夢痛黃梁酒闌燭燻芳魂去應憶新春白恰郎記得樽前笑語浴如何此會竟難重粉銷釵墜辭同夢鬢影衣香悵不逢未許含情猜菹蔻應知歷劫掌芙蓉可憐舊日尋春者酒醒香銷涕淚濃飄零身世比茗華一現優曇最可嗟百草無因飛蛺蝶青驄何處聽琵琶魂消廿四紅橋月夢逐三十弱水涯從此桃花三尺墓空餘古月照寒沙

金陵名妓劉碧玉鹽邑人同產姊妹三碧居其季劉家世寒微迨女少長延名曲師教歌舞居以奇貨邑人爲之諺曰劉氏三鳳少者無倫適金陵娼赴鹽探訪佳麗見劉氏姊妹出重資購爲錢樹子迺入籍秦淮黠名噪甚冶遊者趨之若鶩後長姊歸常鎮道生二子由側而正惟不安於室其夫不能禁穢德聞鄰境碧玉常搢脾嘆曰生不幸入勾欄覩然向人以一顰一笑博纏頭資供搗母揮霍勢在必然既擇人而事當一洗前垢爲吾界爭輝庶儂薄兒無所藉口耳其姊聞之不以爲可敗檢如故而碧玉遂弗與通音問矣碧玉少長略識之無遇文學士嘗執經問難喜讀列女傳與督幕許某有嚙臂盟許固富於文學者碧嘗曰吾他日苟幸爲君小星當北面受業稱弟子願毋吝教許頷之許矚碧甚欲出金爲脫樂籍有成約歸而謀諸婦婦固世家女通達時事恐碧有姊風迺委婉譬其夫曰女子一入青樓以倚門賣笑爲生活不知名節爲何物今君年逾強仕欲置之金屋弗克有終徒滋笑柄以妾愚意當求良家子庶乎可耳且妾非始婦者流君雖置金釵十二誓必不與爭夕蓋姑舍此妾當代爲物色佳麗也許聞之愷然有悟遂悔成約與碧情漸疏久之碧微覺許意枕席間時有淚痕然未嘗現諸形色也一日碧聞許讌客於秦淮舟次乃豔裝往秀鬢含歡略無戚容許不虞其驟至且恐其應他客之

招也。於是亦未通款曲。此時碧忽當筵而立，呼許曰：「儂荷君青盼，不以賤質見棄，欲置諸小星之列，竊喜身有所歸，足以自慰。今無端捐棄，亦將有說乎？」許默然無以應。碧復曰：「君聽讒，疏妾舍君，他求未嘗無人。然妾每以事人不終爲恥，故矢不復。他有所託，請就君目前所見，以洗吾冤。使後世知吾青樓中有烈婦也。」碧玉、碧玉，汝不識人，汝目盲矣。言既畢，擁身一躍，倏隨波浪而逝。許驚駭，特甚。幾暈絕。座客咸呼速援，有善水者爭赴水探索，竟不獲。碧旣死，許臨河號泣，座客強挽之回，寓其妻閨之，亦悔失言爲碧置木主而祀焉。

大姑

王漢章

大姑姓周氏，荊州之沙浦人。母曰周媪，實搗婦人。大姑年十八，風致嫣然，肌如玉，雪眉目，若畫人。咸謂照夜之珠，固當生於老蚌。姬喜，酬應而毫無軼蕩氣習。又豪於飲酒，見之者無不色授魂與也。周媪恃此一株錢樹子，以取給更珍視之。爲玉菩薩，又佳以芙蓉膠爲媚夜之具。適遇仙源俠士譚生者，風姿適勁而灑落允宜，爲佳人偶。締精魂於三生，無猜嫌於兩小。醅膠水乳不足比擬也。譚致求鳳意，而媪故奇貨可居，議輒左而譚不少沮。一日大姑聞譚生道摩勒故事，曰：「何不效之？」徒嘆無崑崙奴爲歛望。耶生遂買舟江上，艤棹以待街鼓，聞如反關，臥闔拂露而行。掛帆東下，翌日之晨，媪呼譚起，則並大姑。

而無之心。知其隨譚生去矣。急尾追之。則風帆沙鳥渺渺。愁手揮涕而返。更復寂寞空庭。無生人趣。乃飽嘗芙蓉膠。作三萬六千日之長眠矣。譚挈大姑。賃廡。積有半載。伉儷綦篤。女每夜夢媪。至呼與俱返。醒爲生述。生以噩夢無憑。解之大姑。素有飲癖。一夕倩鄰家老嫗子。購新鶩。鵝兒釀藏之。儿畔以待。生歸而食。慾勃不可遏。略飲卽醉。醉而生歸。大姑自帳中躍出。顏色慘淡。腹內作輾轉聲。詰之曰。似誤飲芙蓉膠。語未已。而纖纖十指。色變紫黑。急覓解方。投之而涓滴不能下咽矣。彩雲易散。寶月無輝。遂令漢皋游女。長此與塵世辭矣。噫。鴛鴦野合。鸞鳥齊飛。遂令孤憤老鴛。游魂相逐。化作一縷怨絲。卒致俱殉。佛說因果。有若是夫。

陸媚娘

佛影

陸妓名媚娘。金陵人。故良家女。幼讀書。能文章。十歲爲匪掠去。鬻於平康中。美姿容。歌舞娉婷。見者詫爲公孫復出也。年十五。假母強款客。媚娘不應。固強之。媚娘乃自思曰。吾借此以物色英雄。未爲不可也。遂許之。自是媚娘閨中。足跡蹂躪。無片刻靜。顧媚娘頗自知潔。第以詩文酬唱。未嘗肯荐枕席。曰。吾操業已至賤。尙敢菲薄此身耶。而遇巨腹賈。尤不肯加日。以故樂媚娘十五。而毀媚娘者亦十五也。媚娘日久。未能得意。中人頗覺。常竊嘆曰。天下豈少奇男子耶。遂懨懨欲病。一日有襤褸少年。詣門。

求助三十金將出塞從軍搗叱之聲疾厲少年曰聞娟娘慷慨故來求助今若此殆人虛語耳娟娘聞之遽出願少年雖襤褸而眉間英氣奕奕雖口求助與而舉止不類貧人目線時時射娟娘若注娟娘私曰豈來戲我者耶遂脫簪珥手釧約值百餘金付少年曰遠出塞從軍三十金恐不足與其再向他入求將伯毋當假處并將去也少年喜曰娟娘回愛施哉納金不辭而去翌日有自稱斌生者投刺訪娟娘娟娘出見則斌生衣服都麗然戎裝佩劍諦視之確有襤褸少年娟娘私曰噫固來戲我者苟昨不慎幾交臂失奇人矣於是檢衽而前曰昨幸得罪無見罪也斌生曰僕素未一晤卿云何得罪娟娘曰君非昨日來乞助者耶斌生曰卿其誤矣娟娘曰君尙戎裝何尙欺我耶於是斌生從袖中出娟娘所贈簪珥手釧悉數還於娟娘曰僕耳卿名久矣又以舉毀不一故特一戲卿卿固愛施與願得訂交也又出簪珥金釧數事爲娟娘貫於首手曰卿爲費資母哂幸甚娟娘乃命宴席間謂斌生曰君固將往從軍耶斌生曰某世世立功邊陲不敢墮先勳也娟娘曰君娶乎斌生曰大丈夫未爲國家立寸功遑欲顧家室耶況僕婦豈易得必色才兼勝者乃肯下鏡臺耳娟娘乃竊謂斌生曰儂雖墮平康中然嘗竊自持此身不敢妄許於人願所見皆詩才卽屬名流亦一大文學家耳故益持此身不敢墮今幸見君落落願托終身第恐不合君甄取格又竊自報也斌生曰諾雖然吾此去死生不可卜休咎不

能。箴。近。則。一。年。二。年。三。年。或。至。十。年。遠。則。數。十。年。或。竟。死。疆。場。以。馬。革。裹。屍。歸。卿。其。能。待。我。耶。我。又。不。忍。誤。卿。也。娟。娘。曰。儂。已。心。許。君。卽。君。果。不。復。歸。誓。爲。君。死。圖。樂。於。泉。下。可。耳。然。觀。君。英。氣。當。不。至。是。斌。生。仰。天。而。歎。曰。嗚。呼。娟。娘。固。奇。女。子。吾。自。此。不。敢。薄。相。天。下。妓。矣。酒。闌。更。起。相。與。成。歡。次。日。斌。生。別。去。曰。竊。聞。卿。善。詩。願。乞。一。言。夙。夜。誦。之。若。面。卿。也。娟。娘。乃。口。占。二。絕。曰。丈。夫。立。志。垂。青。史。匹。馬。疆。場。去。攘。夷。爲。國。捐。軀。屍。裹。革。鬚。眉。方。不。愧。男。兒。寸。心。已。許。爲。君。守。數。載。寒。溫。似。電。馳。天。幸。凱。旋。歸。故。里。依。然。白。首。任。娛。嬉。於。是。斌。生。行。娟。娘。自。是。杜。門。謝。客。不。復。如。章。臺。柳。任。人。攀。折。矣。斌。生。出。塞。守。疆。場。官。至。副。軍。顧。以。邊。警。未。戢。無。由。賦。歸。也。旣。三。年。娟。娘。病。不。能。起。矣。仰。天。歎。曰。嗟。夫。天。果。使。儂。不。克。終。事。斌。郎。耶。乃。強。自。起。作。書。以。別。斌。書。畢。頭。痛。不。可。復。舉。忽。噉。數。聲。嘔。血。升。許。視。之。則。香。消。而。玉。碎。矣。假。母。乃。以。書。寄。斌。生。而。殮。娟。娘。娟。娘。猶。然。處。子。身。也。

湯月瑛

沐 怨

湯。月。瑛。父。籍。湖。南。巴。陵。賈。於。蘇。遂。家。馮。月。瑛。蘇。產。也。性。慧。而。使。六。歲。解。文。字。通。佛。經。父。旋。歿。家。頓。落。爲。黠。者。所。給。鬪。入。勾。欄。清。歌。遏。雲。花。容。掩。月。見。者。每。疑。爲。天。人。云。年。尙。垂。髻。卽。爲。甬。東。大。腹。賈。量。珠。聘。去。旣。貯。以。金。屋。更。予。以。銅。山。月。瑛。精。計。然。術。經。理。家。政。臻。完。美。宗。族。戚。黨。間。咸。德。之。嗣。因。賈。所。行。不。義。諫。

不。改。再。諫。三。諫。則。愈。肆。遂。泣。然。曰。人。生。所。以。卓。立。於。世。者。志。耳。既。異。其。志。難。安。其。身。遂。鬱。鬱。與。賈。離。偕。母。移。居。滬。上。因。思。我。身。雖。萍。梗。之。身。我。志。終。金。石。之。志。倘。遇。人。而。淑。待。展。所。懷。雖。百。折。千。磨。弗。憾。焉。榜。其。門。曰。鎮。春。樓。主。意。在。擇。人。口。唯。研。究。佛。學。以。自。適。時。有。張。堯。卿。因。謀。候。復。漢。族。事。洩。滿。族。購。之。急。遁。逃。滬。上。相。與。鄰。居。月。瑛。探。其。事。偉。之。遂。盟。白。首。堯。卿。駐。滬。組。織。機。關。部。同。志。如。孫。少。侯。鄭。子。漁。常。密。會。謀。進。行。每。會。月。瑛。必。至。每。至。必。言。每。言。必。當。或。有。所。需。雖。千。金。不。稍。吝。丙。午。堯。卿。謀。起。義。濶。體。旋。湘。月。瑛。脫。簪。鬋。珥。促。其。行。甫。底。湘。被。捕。月。瑛。聞。之。星。夜。奔。湘。誓。以。死。贖。堯。卿。故。堯。卿。得。減。死。刑。爲。監。禁。未。與。劉。道。一。同。遇。害。者。實。月。瑛。之。力。也。月。瑛。曾。以。多。金。運。動。亡。清。兩。湖。總。督。張。之。洞。電。湘。撫。岑。春。煇。請。釋。堯。卿。春。煇。堅。持。不。許。鍛。鍊。周。內。故。判。二。十。年。之。監。禁。期。月。瑛。深。銜。之。思。刺。春。煇。以。甘。心。值。春。煇。解。職。月。瑛。持。炸。彈。伺。於。轅。西。而。春。煇。陰。由。小。巷。出。北。門。逸。矣。堯。卿。居。獄。五。年。月。瑛。日。必。步。至。雖。風。雨。霜。雪。無。間。并。贊。助。堯。卿。倡。辦。農。桑。墾。礦。諸。實。業。武。昌。起。義。同。志。約。堯。卿。速。行。撐。支。大。局。堯。卿。以。家。累。答。月。瑛。奮。然。曰。我。所。以。連。年。奔。馳。竭。盡。心。血。才。力。以。助。君。者。以。君。富。於。民。族。主。義。能。愛。同。胞。以。救。國。也。君。從。軍。我。誓。從。君。行。今。因。我。遲。遲。是。以。兒。女。子。之。私。誤。大。局。也。獨。立。僅。兩。省。時。哉。不。可。失。我。自。有。處。分。遂。仰。藥。死。

● 傷感類

吳祿貞夫人投海記

于右任

吳祿貞夫人景氏幼嫻姆教通詩書嬪吳君後伉儷甚篤吳君素抱大志常以克林威爾自命夫人深贊成之一切秘密運動多所諮詢吳在東京時嘗立一秘密社入其中者皆陸軍將校與同盟會異源同歸武漢事起吳君擔任直攻北京之職乃事未成而爲逆賊吳鴻昌諸人所弑夫人方居留北京得耗後痛不欲生國難夫仇交集方寸屢欲以身爲殉前後投環數次均爲僕奴所阻迄不果行吳君之殉國也乃母猶在堂而年已七秩思作歸計夫人乃隨侍以歸於紀元一日趁同陞輪船南下除吳母外同行者尙有少子一人年僅數歲及家人五名夫人登舟後覺觸目傷心萬感交集先後水漿不入口者三日惟日以眼淚洗面該輪旣入吳淞口男僕等方檢點行囊夫人其時與一女僕攜幼子立艙面忽發聲狂笑笑已陡以幼子置女僕手中語之曰善事此子乃主人一滴血也言竟聳身入海女僕見狀大驚號泣請船主停輪一救船主亦大感動立命人一面施救生圈一面用小舟尋覓直至二英里外始將夫人覓得則已一息僅存矣再四設法始獲甦乃與吳母及其幼子懷抱而泣一時圍觀者無不爲之墮淚。

何烈士身後之家庭

軼名

何烈士者名來保字頌九一字鐵笛湖南武陵人歲庚子與瀏陽譚唐諸烈士謀起義武昌事洩死之妻周氏子三女二烈士家故富以謀起義耗其資及事敗又遭籍沒妻子遂無以爲生僦破屋以針黹度日長女大姑桃源縣豪紳皇甫天成羨其美設局誘之不果旣乃與其家人童某謀託爲繼室許贍給其衣食允之時成肄業法政校其家口猶寓省垣也成旣娶女歸周乃盡售其家具備冬衣盡室至桃源成知其至則戒閹者勿納周不得已而要之於路請僦居不許請見女又不許請賙漫應之自是常避道而行有童輝亭者哥老會魁也與成極親暱審知其故心頗不善之又於門外省讒周憐之以慰藉之者良厚周旣落騙局又失針黹業居文明坊破廟中蚊雷饑火疲憊不能堪環顧小兒女又未忍置身溝壑得童照嫗遂委身於童焉童雖暴厲然亦可以得噉飯所矣無何成畢業歸載其家口返桃源嫡室彭氏無子而悍妒非常甫及門其娣奴相迎笑謂伯納簾室當得嫂氏同意此後助理有人茶烟酒牌可得半日閒矣彭聞色變呼家人童某詰之童不敢隱吐其實彭立逐之呼成成戰慄不敢應先是成謂女入門當卑禮見嫡女故大家風範羞持嫡庶禮及聞彭怒益趨趨不敢前彭愈怒自往女室摘其髮裸而撻之無完膚時女嫗六七月矣腹蠕蠕動娣姐相顧失色力解始免未幾生一女而鞭笞如故女忿悔屢號泣請去且思自盡以見志均被阻乃止桃源人十聞之大憤以烈士骨肉不

應凌。虞欲勒令毀婚。從良終因政體專制。罪人妻孥。成又豪而健。訟遂無敢正議者。然自是不齒數矣。成既內脅。圖威外譁。輿論欲稍自掩飾。乃往輝亭宅執姻婚禮。見周周以女爲成妾。冀婉轉調護。釋前隙。溫語接之。然文至而情不愜也。成殊備極親切。輝亭察其隱。持刃擊之。未中。遂佛然去。初烈士與同謀者曰孫翰。臣事敗走滇南。反正始歸。充常德稽查。周往見之。欲有所自。孫叱曰。鬻女改嫁爲烈士羞。汝母女得安樂窩矣。復何言。周噉然哭。目盡腫。孫亦感傷。將爲之地。會有事赴鄂。未果。大姑自後乃益受凌折。衣衫襤褸。雜婢輩操作。見者不知其爲富家妾云。

錢卓琳

生入

虞山錢卓琳。名下士也。幼失怙恃。依舅氏而居。聰慧絕倫。年十二能詩。弗輕示人人。偶見其短章。輒爲傳誦。舅氏宦游秦關。以道遠未攜眷屬。錢請與舅氏偕入秦。一探太華瑤池之勝。舅許之。溯江而上。抵漢臯。舅有親舊居武昌。攜錢過江。往訪船。至中流。猝遇暴風。舟覆。並溺焉。錢飄至江洲。遇商船。救有商客憐之。命人負至前村。入其家。詢其地。已離武昌十餘里。病不能興。念舅氏存亡。莫卜。乞客商託人代訪。行蹤月餘。渺無音問。病旋愈。辭商赴船。至漢臯。先入逆旅。中探詢逆旅主人。驚異曰。汝舅遇救得生。沿江上下尋汝。不獲。意爲葬於魚腹。留書一緘。在此一月前。掛帆西上矣。錢大哭。書中囑錢汝能生還。

仍赴武昌投親借資歸去。錢不得已渡江往尋。遇之。具告。頗末。舅氏戚。聽鼓鄂垣。賦閒久。貧甚。已先得其舅書。至是留其暫司筆札。錢得慶更生。亦不言歸。爰函告舅氏。毋以爲念。自此靜居一室。繙閱書史。意頗適也。武昌繁華地。曲部向多佳麗。願錢謹慎自守。北里章臺中。向不問津。一日曠歸。東鄰有雛姬。凭窗眺望。雲鬢覆額。丰致窈窕。不覺爲之停趾。歸齋。頗覺遐想。自念此粲者。能得偶於願。良足然。略其衣飾。當非小家女。落魄他鄉。焉能求風於貴族。輾轉不成寐。明晨詢其鄰。乃知東鄰曲院藏嬌處。雛姬蜀產。新從巫峽來者。聞之。訝然自失。眷念頓消。繼思既在平康。何妨一睹容顏。叩門逕造其室。姬殷勤延客。一見恨晚。問其年。纔十五。柔婉如良家兒。談久方別。姬置酒邀之夜飲。是夕脫白玉環相贈。姬約常過其家。錢慮客中乏貲。不能長咀。噓不言。姬已喻其意。曰妾忝鄰居。書聲度牆。賴君破此岑寂。受君之賜多矣。區區者曷足道。錢因吐囑風雅。知其且嫻文字。益相傾倒。自此無聊。卽往儼如伉儷。居停愛才甚。見錢亦不之問。春日晴和。攜姬至漢陽作踏青之游。並坐車中。姬固姿容絕代。錢亦美少年。如玉樹臨風。女伴嘖嘖稱羨。姬小字梅韻。錢爲賦梅花百絕。姬繡梅花百吟四字於卷首。情好兩稔。忽結珠胎。方相慶幸。而居停得攝篆。鄖陽偕錢赴任。尅日趣裝。姬泣不能仰。堅訂後會。乘舟送錢北渡。臨歧。話別纏綿。悱惻。感動路人。錢勸其返棹。須臾晚霧橫江。遠望天際。臨波大慟。解纜西上。沿途無心攬景。抵

鄭○半○載○居○停○以○憂○去○官○乃○陸○行○入○秦○仍○依○其○舅○氏○甲○辰○在○青○門○遇○其○友○生○入○傾○壺○痛○飲○爲○述○其○事○淚○隨○聲○下○且○曰○黃○鶴○樓○中○吹○玉○笛○江○城○五○月○落○梅○花○與○梅○姬○相○別○時○在○五○月○從○今○玉○笛○那○堪○復○聞○子○君○爲○我○歌○予○將○誌○於○梅○花○百○詠○之○後○余○羨○卓○琳○之○遇○而○傷○梅○姬○之○不○遇○爲○之○歌○曰○漢○陽○山○色○碧○于○螺○萬○里○滄○江○放○棹○歌○月○落○渡○頭○星○在○樹○天○涯○欲○別○可○奈○何○郎○自○掛○帆○漢○陽○路○妾○今○返○棹○武○昌○渡○兩○情○脈○脈○一○水○間○琵琶聲○遏○行○雲○住○妾○年○十○五○雙○垂○鬢○郎○解○腰○間○白○玉○環○私○誓○願○作○同○心○結○脫○臂○交○視○兩○歡○顏○晴○川○閣○下○游○春○日○碧○油○車○印○香○塵○迹○雛○鬢○跨○馬○効○前○驅○紅○錦○障○泥○鏤○金○勒○歸○來○收○拾○珊○瑚○鞭○對○月○臨○風○門○嬋○娟○幾○度○卸○妝○郎○不○許○故○燒○高○燭○按○儂○肩○郎○詠○梅○花○詩○百○叁○三○年○繡○滿○青○羅○絹○春○夜○瓊○琅○自○解○詩○鴛○鴦○蝴○蝶○人○爭○羨○枕○上○閒○吟○七○夕○詞○忽○生○識○語○兆○分○離○強○顏○相○解○理○前○誓○牛○女○佳○期○無○誤○時○黃○鶴○樓○中○吹○玉○笛○郎○君○欲○擊○渡○江○楫○石○破○天○驚○聞○郎○言○傷○心○墮○落○情○天○劫○攬○衣○檢○點○舊○時○箱○破○鏡○雙○合○貯○荷○囊○半○照○郎○顏○慰○妾○貌○半○留○妾○影○倚○君○旁○郎○如○萍○梗○隨○流○去○妾○命○飄○泊○輕○於○絮○玉○環○倘○訂○來○生○期○金○錢○應○買○藍○橋○杵○妾○家○原○住○山○之○南○餐○雨○棲○風○情○所○甘○勸○郎○去○勿○長○相○憶○癡○心○到○死○作○春○蠶○從○今○鉛○華○屏○不○御○試○解○腰○圍○郎○記○取○男○兮○女○兮○送○郎○家○紅○絲○繫○臂○煩○汝○父○楚○江○鳴○咽○楚○山○愁○西○風○縮○不○住○郎○舟○珍○重○一○聲○郎○去○矣○羅○衫○淚○溼○不○勝○秋○精○禽○填○海○空○銜○石○杜○宇○呼○魂○空○啼○血○年○年○芳○草○青○復○青○獨○上○樓○頭○空○掩○泣○至○今○新○豐○風○雪○飛○王○孫○

落魄舊征衣。萬水千山回頭處。勸君莫誦望郎歸。

鸞姑

程善之

蕪城賣花翁。姓黃氏。隱君子也。所居在城外竹籬第。雜花數畦。且蒔且舊。暇則手陶詩一卷。隱几微吟。殊自樂也。嘗一日自城中賣花歸。行過田塍間。棘叢兒啼。往視之。則錦襪裹一兒。瑤環金釧儼然大。家抱之。起身底襪巾。緝一題曰。母氏崔父氏。徐徐氏。女名鸞姑。日丙申時。庚午。誰拾得爲我撫翁本無子女。因抱以歸。其題巾則謹藏之。桑榆晚景。得此阿嬌。依依膝下。蓋雖親生子女。不足方此愛也。鸞姑稍長。坐翁膝上。口授唐詩琅琅。上口垂髫之歲。卽能爲詩。翁試以春日卽事。有楊柳自然碧。桃花著意紅之句。翁嘆曰。才女也不枉吾心力矣。鸞姑益長。翁年益衰。鸞姑則日提筠籃入城市。雖亂頭粗服。而國色天成。彌增斌媚。嘗賣花過曲巷。有無賴尾而調之。鸞姑拊其臂立仆。十步外無賴歸。臂腫如股。十餘日不能持七首。於是知翁之材技。乃悉授鸞姑也。然鸞姑身所從來。初不自知。翁亦未爲女言。惟父翁孝翁而已。一日賣花至一富室。有小婢呼以入。歷曲閣。數所過一院落。朱闌四匝。繞以石池。池上藤花一架。繽紛纓絡。循朱闌。又再三折達簷前。簾櫳一桁。累級低垂。婢嚙少待。女逡巡。卻立聞窗內吟曰。玲瓏曉日紗窗綠。金鴨無烟綺裙。靨桃花逗暖入春闈。玉箏蓮幕調紅玉。春闈燕子紫波香。長日雙棲。

玳瑁梁玳瑁歲歲雙棲穩。只是主人情意重。主人情意如春風。春風不識雙芙蓉。芙蓉自向秋江老。那比天桃無數紅。鸞姑聞詩頓觸所好。凝立伛聽。須臾婢掀簾出。招之曰。夫人起矣。其速入。鸞姑提藍入。夫人坐中堂。年約四十餘。衣飾瑰麗。舉止凝重。儼然大家也。一少年公子可十七八。依夫人衣袂。水剪睡人。玉凝仙骨。蓋靈和殿柳。不足爲其丰姿也。鸞姑驟見。遽然以驚。不覺俯首。夫人問花價幾何。鸞姑一一具答。夫人擇購數種。公子曰。曷不更買爲價正無多也。夫人笑曰。汝愛之耶。公子面頰勉強曰。非也。夫人曰。愛花何害。會爲汝盡售取之。願侍婢趣以花價授姑。娘者鸞姑受花價趨出。聞簾內侍婢笑曰。美哉賣花姑娘乎。公子所愛殆非以其花耳。鸞姑旣售花以出來。時原不甚留意。比出門時。偶一舉首。則潭潭者徐氏第也。默識之。遂歸。越數日。復過其門。則公子方立門前。見鸞姑止而閱其花。擇擷數枝。插襟上。囑少待。當入取價。須臾出。鸞方他顧。見公子一盤。幾覆其手中。籃錢墮於地。怯甚。乃俯拾之。以自鎖其心。公子聞內笑聲。亦頓返。自是鸞姑每賣花。不復過徐氏門。如是者年餘。一日鸞姑方坐窗。前刺繡。翁立於庭。與客談。隱約聞客言。徐公子病甚。以下語漸低。不可聞。但見翁頻搖首。已而又聞翁言曰。此決不可。君亦讀書人。甯不辨血統關係者。諸兒之事。安可爲子客。遂諾諾無言去。客已去。翁猶負手徘徊庭前。曰。冤孽哉。冤孽哉。顏色若不懌者。鸞姑揣知翁言必有故。然不便問也。明日翁朝起。召

戀姑前示以巾緝曰此汝身所由來也爲言當日抱來情事又曰汝賣花乃入徐家耶汝近日知遠嫌不更往甚善徐公子汝親兄妹汝不往渠爲汝病矣奈何奈何戀姑惘然良久曰父不兒誰耶翁曰此何事者而可誑爲戀姑持巾去入室中良久不出呼之不應翁視之方支頤癡坐淚眦熒熒幾欲墮矣翁再三問之則曰思母耳是日戀姑對案不能食但飲湯一勺而眠翁中夜醒時屢聞戀姑嘆息聲詰旦撫其體則熱如火翁稍知醫按脈知病勢非輕也心憂之爲料簡方藥顧病人殊不願飲以翁寬喻曲譬再四勸解勉盡數呷明日熱少退日午有叩門者翁延入客五十餘貂冠狐裘類富人翁詢來意客自言崔氏徐公子之舅也以公子病劇一來商之於翁翁詢以往事客曰今事至此毋容諱矣戀姑之母故婢也名曰琴簫年十七以慧麗得主人垂青春風一度豆蔻含苞時夫人尙無子旣知之妬甚伺主人他出遣歸其家琴簫歸五月而生女捧詣徐氏夫人不受使奴婢逐之且力言主人無此事時主人官於外固不與知之琴簫三詣三逐乃棄女於道是夜紅羅三尺縊於徐氏之門夫人以重資了其事及主人歸嘗以去婢爲話而不知飄零桃葉久別東風矣明年夫人生公子未幾主人去世夫人膝下僅此嬌兒也翁問夫人之意若何客曰夫人前日得翁言方知卽前次棄女夫人乃悔之無及因念若如翁言卽是己女公子病情如此非阿姑在側不復能生已與公子言明將以堦簾之誼朝夕

相對。至于翁處。仍可時時往來。比於姻婭。翁能見許。否翁笑曰。夫人曩日誠過。然今日吾女亦病。豈能遵命者。因引客就視。見鸞姑方瞑目而呻。面色慘白。客知不可言。忽忽去。翁送客返。鸞姑呼翁曰。父頃言兒已聞之。彼婦人乃兒讎也。父卽棄兒。兒甘稿死。決不往。翁笑曰。兒無慮。我安肯棄兒者。念彼亦惶迫。故引視兒。以拒之。兒安心靜養。無他慮也。然自是鸞姑疾日增。一日翁手湯藥立床前。鸞姑不肯飲。翁不覺淚珠如線。直墜湯藥中。鸞姑嘆曰。兒不肖。不能盡養。今日乃心病也。兒自殺。已身復何言者。願父母悲詫。翁猶手藥不釋。忽侍婢數十人捧崔夫人珠冠玉佩來。條入翁室。翁未及問。夫人已至前。撫鸞姑。鸞姑不動。捧其面。再三呼曰。兒鸞姑。忽躍起。叱曰。誰是汝兒。吾母命喪汝手。吾一身飄零至此。汝尙不爲足耶。咄賤婦人。奮以枕投夫人。夫人大驚。卻退。翁急前抱持。鸞姑則靈魂已奪。舍而去。雙眸猶炯炯也。翁嘆曰。天乎。天子檢紅氍枕畔。有紅箋數幅。蓋七言詩。和徐公子者。然不忍卒讀矣。

范公子

程善之

范公子清苑人。其父若叔皆翰苑中人。也。公子年未弱冠。父叔已相繼卒。娶魏氏。其表妹也。美而能詩。文伉儷相得。甚。公子自父叔沒後。門庭已漸式微。魏氏持家勤儉。有法度。久之復稍振。公子旣屢就省試。不第。乃謀遊幕於外。魏氏勸曰。君性剛。在外必不得志。且居家尙可自活。何必汲汲遠遊。公子抑鬱。

久躁急不能耐。竟就山左某觀察。聘觀察者。公子與有一面。且素聞公子文名者也。公子行魏氏支持。門戶如曩時。臨岐揮淚。歸期以一年。公子平時具倜儻不羈之性。在幕中不能爲賓主之周旋。而日以詩酒琴棋相娛樂。觀察或有公事遣人召之。興未盡不時至。觀察心積怒。衆人又排擠之。數月後。公子度不能安。乃辭去。觀察亦不留厚贖而已。公子計此行雖無所得。失然離家稍久。雁渺鴻稀。一旦遠道歸來。綠窗絮語。紅燭照顏。必有一番悲離歡聚也。及抵里門。則雙簧橫牀。寂無人聲。大異之。走問鄰人。鄰人見公子歸。歎息曰。尊夫人死已十餘日矣。公子亟問其故。鄰人曰。以抗賊守節死也。公子益驚。問所以。鄰人略約告之。蓋遇盜者。且云君之門業現爲某某代掌。某某者。公子族叔。公子趨往問其詳。叔老矣。見公子拊手喟然曰。盜非他某伶也。乃淫凶如此。前以清明掃墓。見姪婦於野。是夜超垣而入。鄰人聞聲起視。彼已逃去。得其佩囊。與帶姓名在焉。闔族皆不平。呈縣控追。以物爲證。縣令取物存案。乃不發簽。再詞促之。令提物取質。則已非故物。因責逐以出。伶復託人許餽金息事。且云渠爲某親王所眷。倚恃其勢。雖訟必不勝。吾等怒斥之去。然相對無善計也。公子聞言大憤。恨親抱血衣詣縣呼冤。大令許緝凶。惟謂某伶實非盜也。公子益憤。語抵觸。令左顧不答。公子知令懼威勢。亦負氣出歸家中。見粧臺几案。陳設猶昔。地板上血痕斑斑。痛無所洩。對靈前酌酒痛哭而已。閱月餘。葬夫人於祖塋。蓋

賣其家業。子身辭親族去。不知所之。又六七年。族人朝五台者。見公子於山門前。已披剃受戒矣。手一卷金剛經。方喃喃未已也。見族人至。則起問訊。相勞苦如平時。問何以至此。則曰。言之甚長。俟禮佛畢。當爲詳言之。指西廡下一陋屋曰。此蒲團所寄也。族人如言禮佛。既訖。出就之。談公子曰。吾曩者自營葬而後。志在復仇。願此奴在京聲勢甚大。拳捷過人。知不易得手。乃購一精利手鎗。日夕伺之久。之未有間。吾不復能耐。卽槍擊之於劇場中。當吾鎗聲作時。場中人衆大亂。如失窠之蜂。倉皇四竄。竟不知掩捕行凶者。吾雜衆中得脫。深自慶幸。其明日。乃聞此賊因創而斃。某親王痛心斷袖。囑步軍統領。及五城諸司。期必獲。凶犯。吾度事急。乃隻身南走。不意都中竟偵得姓名。通緝甚急。一日。吾方至臨清界內。觀臨河一草舍。有少婦與一嫗。賣漿供客。吾就飲之。俄而馬蹄得得。偵吏七八人。已追蹤而至。是吾已改裝爲商人狀。且坐時。面方內向。彼竟不疑。嫗及婦與語良久。乃分途去。吾念彼方注意於此。若出門必爲所獲。因延不出。嫗見而疑。方致詰問。而婦遙呼嫗入。須臾。嫗至。留宿。氣色轉和。吾度其意思不惡。卽以寶告嫗。卽留吾暫住。彼少婦者。霧鬢風鬟。而愁眉黛。吾亦不知其何因也。更數日。嫗乃言少婦爲其姪女。方伶仃無依。欲以爲吾配。當時心念彼此皆飄蓬弱絮。偶寄天涯。卽締良緣。共圖避世於計。亦得因立許之。臨清南北之衝。吏耳目多。嫗本衛輝人。因同居衛輝。婦婉變幽靜。不減前室。居久。

之始。自言身世。蓋婦先嫁一商人。未幾。父每皆故。而商人待虐已而。又以博敗家業。乃鬻歸娼家。嫗聞而大忿。訟之官。官果得諸妓院。遂以婦歸。嫗年老無子女。遂相依爲活。吾至是。乃知其有夫。且中山狼。故在也。嗣是嫗遂子吾。吾卽嫗姓。稱蔡氏子。荏苒年餘。一夕。嫗忽遺病。亟命召族人。族人至。則口授後事。并言吾爲其子。族人無異言。越數日。概尙停小堂。未葬。忽有數輩洶洶來。直入內室。將劫婦以去。吾力拒之。爲首一人。乃言吾姦佔其妻。卽擗衆毆吾。婦聞聲出視見之。遽反走。彼爲首者。令衆執吾。而獨趨入。則室門已閉。推不啓。力擗良久。門脫。樞仆。則婦已懸於樑間矣。此時鄰人已聞聲而集。彼等驚散。吾解婦下。尙有微息。亟救幸蘇。時已懷孕數月。業墮胎。奄奄數日。握吾手曰。薄命人逝矣。遂死。鄰人咸不平。勸吾訟其前夫。吾怯往事。竟置不報。獨居自念。有兩賢妻而不能保。顛倒一生。徒然涕淚而已。復何生趣。於是步出野外。自縊林中。方懸而未絕。有行脚僧過林下。又緩吾繩。僧者五台歸雲師也。爲吾說衆生因果之理。言下有悟。從之。以來。師爲名曰悟真。今又三年於茲矣。在此間。方日刺血書經。未嘗間經。爲亡人超度。族人視几案間。果血痕猶濕也。因歎息去。悟真居山中三十餘年。日刺血書經。未嘗間斷。一夕夢兩妻曰。君功行滿。吾輩亦賴經懺力。得大解脫矣。靈山不遠。盍歸乎。來覺而召其徒屬。付旣訖。一笑而逝。

姚英石

成傳芝

鄞柯氏女。鳳翽師範生也。美而黠。年十九。畢業於高等師範。嫁仁和姚英石。姚亦美少年。博學能文章。嘗畢業陸軍陸軍中數少年。風度推姚第一。鳳翽行結婚禮時。特假西湖上某公別墅。見者咸以爲金童玉女。不是過也。成婚以後。夫婦相愛。厚逾尋常。十年中生三子二女。一歲盛夏。霍亂盛行。鳳翽偶然中之時。英石方爲第一團營長。卽宿營中。聞報趨歸。則病已不治。彌留之際。顧英石欲有所言。語音已澀。格格數言。英石不甚解。從此花殘月缺。比翼分飛。英石中年抱騎省之戚。上無父母。下有子女。憂思憔悴。不可言狀。一夕。又自營歸。召其第二子及幼女同宿。明午室門不啓。婢僕敲之不應。會營中有公事。同營副官馳騎以來。乃力撞其門。毀之。則子女悉殮於牀。姚則洞腹刺心。死於榻畔。指揮刀一刀。尖着胸。右手猶握其柄。腥血循刀流出。榻前皆滿。揆其情形。蓋自到者。然莫知所由。特以爲悼亡過切。故願爲在地之連理枝耳。方擾亂間。英石胞叔某馳至。出英石遺書。叔姪間雖同在一城。而分居已久。相去在三里外。書蓋英石前夕付郵。而其叔晨起得之者。急馳以來。事果發矣。書曰。叔父垂鑿姪。今死矣。念隱衷。莫白非叔父不能昭雪。故忍恨上此。姪昔之娶柯氏女也。婦隨夫倡。伉儷甚篤。此叔父之所素知也。亦姪所不必自諱也。詎知娟娟此露。虛貞實淫。外作委蛇。內行詭詐。姪自恨愚鈍。墮其術中。終身

不悟賴天誘其衷中道致隕昨檢點遺篋無意中發見情書數通又影片等件乃知狐綏鵠合非止一人並且不韋邯鄲陰蓄祕計倘非彼天於疫病則後之結果與姪之生命未可知也輾轉尋思忿不自已決取生平遺憾一刀了之復念生性蠢愚何至於此用情既誤蒙恥尤深何事顛顏生息人世因援刃自屠以全軍人氣概此後家事一切惟叔父維持之遺子女數人能教使成立則姪在九泉銜感無既矣函中復二書二小影其一云鳳翮女士妝次自曩日公園見卿心魂幾非我有天下女子殆無有慧麗如卿者獨不解糾糾武夫終日在行伍中絕不以家室爲意殆天下之至愚者耶抑天以成就我輩也影片附呈聊當侍者明日薄暮當趨訪瓊閣也末書段光遠上其一云鳳翮愛卿妝閣夏間一晤銀牀冰簟雪藕浮瓜與卿之樂極矣寶玲阿恆果然一類我彼鱗鱗者竟不覺察一何可笑聞北事行且決裂渠亦當行特祝彼爲國犧牲異日鴛鴦七十定有我輩兩人也照片一紙請與寶玲阿恆觀之彼年漸長亦使知此身所從來耳書不盡意拳拳似末署朱鶴皋啓中夾小影二紙一爲二十餘西裝美少年副官識之蓋其校教員卽段光遠也一爲三十許人疑卽朱矣所謂寶玲阿恆者已死之子女也於是其叔父遂經理家政撫其遺孤姚家貲頗在中人以上或謂情書小影皆其叔僞爲以搆其姪者其叔懼益厚撫諸孤迄成人焉

桃影

韋士

秣陵陸生年少翩翩居鄉里以讀書自娛暮春三月課暇微行近郊信步至一村見一住宅竹籬柴門門外楊柳垂條清溪一曲陸生心賞其幽雅行近院中桃花鮮紅自籬眼隱約可窺念此宅必逸居不可不見其人至門外門虛掩推之見一女郎倚樹凝立花光人面幾不辨也見陸生面赧低首入室生昏惘癡立不能動迨主人出問客姓字始遽然覺主人鬚髮皆白布袍儒冠和善可親延生入室談笑極歡主人曰老朽無能避家難攜小女賃屋隱居於此閉戶未嘗外出乃蒙高隣見枉於心滋歎生但謙遜老人曰彼此均讀書人有暇盍相過從生諾自是日日赴老人家或奕棋或吟詩老人知生多才又端品格乃見其女女亦博學問字論文忽忽易寒暑情懷日密老人亦歡笑一日謂陸生曰吾已老且晚且墳溝壑以弱息爲君子侍巾櫛何如陸生拜謝數日後老人遘病死女伶仃喪葬畢陸生外出就傅女泣送之曰男兒須具大志郎君盡力學勿念我生亦黯然生母憐女遷使同居俟期年後與生成禮女賢慧母愛之嘗詢其家世女曰吾父有弟力多且狠每欺吾父故避居來此一日突有僧人至生家自言是老人弟洵洵索女且謂老人無子理應嗣姪家貧如許弱女胡得獨享女惶恐不敢出生母令健奴逐之僧人倉皇去時久此事漸漸忘却次年三月生母令女赴寺禮大士日落未返明晨與

夫負傷歸。言中途女爲其叔劫去。生聞信歸。百計尋訪。終不得消息。或言女已自殺。然無證。陸生鬱鬱終日如醉。每午後必至女前賃宅內。撫桃樹而歎。時春已老矣。殘紅佈地。如血色。紅毬小鳥。有時棲枝間。鳴聲喃喃。似致慨於花影。不留花魂不復者。見人來。颯然飛。生更悲咽。胸臆欲呼。鳥令近。一訴鬱苦。彼小鳥似解事者。加速逃去。不願聽多情。人哭聲也。陸遂以恨生自名。傷哉。

臘梅

韋士

臘梅者婢也。淮南饑。逃荒來某縣。主人何氏。名醫士。以三千購得之。櫛沐竟居然。美好惟禿瘡。痂紫。擗搔之則霜雪霏霏。好戴臘梅花。遂以得名。臘梅性仁惠。爲主人施乞丐。輒私益其粟。乞丐德之。有一丐李姓。青年體健。足浮腫不良於行。臘梅經主人醫治。髮蓬蓬然盈寸。又乞藥。主人以與。丐治其足。丐果愈。棄籃棍不乞。而偷繼。又爲盜。老盜愛之。盡傳其技。歌嘯草莽間。不忘臘梅德。夜入醫家。負臘梅返。巢成禮爲夫婦。時值衰世。官吏舞法。紳衿朋比。強暴凌弱。富豪欺貧。邑之窮民。無安枕者。李盜旣負身。手則劫掠。殺奪不稍顧。臘善相夫。分所得。周貧困。遠近聞名。徒黨益衆。官吏指名搜捕。盜黨怒與兵抗。兵皆倒戈。遂占邑城。臘梅親造醫士家。執僕婢禮甚恭。醫士妻私謂臘梅曰。跳梁終非長久計。一旦大兵至。族矣。爾愛夫宜勸其保首領。臘梅感悟。泣告其夫。如醫士妻言。且曰。退隱最佳。曷夜遁荒谷間。營

宅購田布衣菜根以終老夫心動事洩盜黨以兵器脅李盜李盜掩面命提臘梅出斬之羣仍擁戴無何官兵大至李盜夜投官兵營飾爲謀士說破盜策官用之盜盡伏誅欲賞謀士謀士自刎死臘梅爲盜妻能周貧苦又欲借隱亦一好婦人宛轉而死馬崑遺恨竟重到人間耶李盜賣友非俠士所爲事畢飲刃以死謝友也亦以死謝臘梅也噫事可憐矣

杜慧君

周國賢

杜女慧君美而武父官雲南女侍母家中東家少年劉天聰才華丰度卓絕一時杜母擇壻嚴稱我家慧兒非向田舍奴作竈下婦者除却此翩翩少年皆非吾女偶願僅有此語未倩媒說合焉會天聰負笈海外事遂緩議天聰兄伯才蠢而鰥宿慕慧君色欲娶之願杜母屬意天聰拒不之許其僕唆伯才以革命黨誣弟俾弟不得歸則女事可諧伯才從之時天聰激於革命主義雄心勃然又憤其兄之誣已遂入黨籍革軍謀取河口天聰以才武被推爲前部將破清軍殺其將清將卽女父連捷戎馬倥傯中天聰固未之知也時伯才仍未得杜母允婚見報載此耗僞謂連捷逃死朝旨將按治家族以告杜母母女聞耗信之母一慟而絕女泣然曰有女不能報父仇生奚以爲遂決走天涯訪殺父者以報仇計決未行伯才踰垣譏女女怒殺之之前一日方孤燈欲冥支頤垂淚忽一少年入詢爲天聰患難

中。驟。遇。素。心。人。哀。感。欲。絕。幾。疑。其。爲。夢。也。女。既。行。中。途。遇。盜。瀕。於。危。矣。爲。天。聰。所。救。知。女。事。毅。然。以。代。女。報。仇。自。任。女。感。其。義。與。之。訂。婚。約。焉。既。偕。至。河。口。有。樵。夫。古。老。者。當。連。捷。戰。死。時。窆。連。捷。於。原。上。至。是。與。天。聰。慧。君。遇。備。述。一。切。天。聰。始。知。殺。女。父。者。卽。己。遂。自。刎。以。謝。女。女。痛。父。之。死。感。生。之。義。亦。自。刎。於。墓。側。樵。父。雙。葬。之。有。好。事。者。知。其。事。樹。碑。以。誌。之。曰。落。花。同。夢。之。碑。葉。子。小。鳳。特。編。爲。悲。劇。演。之。新。民。劇。場。名。優。汪。優。游。飾。杜。慧。君。王。无。恐。飾。劉。天。聰。慷。慨。悲。歌。堪。稱。雙。絕。迄。於。今。尙。爲。新。民。唯。一。之。傑。作。

● 險怪類

苗疆談虎記

餘生

由。長。江。湖。流。而。上。越。漢。皋。經。岳。陽。貫。湘。省。常。沅。辰。晃。等。境。而。過。之。直。達。溱。陽。(現。名。鎮。遠。府。屬。貴。州)長。江。之。流。域。至。此。已。盡。雖。水。源。不。僅。是。處。而。是。處。亦。水。源。之。一。也。自。湖。南。常。德。抵。此。沿。途。山。環。水。複。河。身。或。闊。或。狹。或。深。或。淺。或。繞。危。巖。而。行。或。平。鋪。如。湖。四。圍。似。已。不。通。忽。而。峯。迴。路。轉。又。若。別。開。生。面。者。其。尤。險。處。水。底。怪。石。嶙。峋。如。利。刀。如。針。鋒。又。如。巨。壟。之。橫。陳。俗。名。曰。灘。有。橫。事。滿。天。星。諸。目。舟。行。全。持。篙。工。舵。工。各。一。前。後。呼。應。避。頑。石。順。溜。而。駛。使。不。得。與。船。觸。良。以。此。中。險。阻。船。身。務。求。輕。便。故。取。材。輒。不。堅。固。苟。一。觸。石。者。船。木。卽。片。片。作。蝴。蝶。舞。舟。子。率。麻。陽。人。駕。駛。純。熟。惟。終。日。作。諸。怪。狀。有。時。用。篙。撐。灘。

石以篙柄抵肩頭。爬行船沿。有時船衆二三十輩咸解衣入水。背承之。因水淺膠舟。且灘底亂石齒齒。不爾則船將不免也。於時口發異聲如牛喘。狼嗥豕鳴。鹿啼。初見之者鮮不愕而且笑。舟達鎮遠。則江流至此止矣。環列皆窮山峭壁。數千里綿延不絕。直踰滇境。以西而抵安南焉。水由地中行。山間溪澗或齊赴一巨壑。渺不知其何之。或再經岡嶺數十更。發見一長河。惟兩端俱係伏流。無舟楫利。僅供釣游灌溉而已。客黔地者。率自鎮遠乘肩輿山行。或不一里而過山數重。或數十里未盡一山。幸沿途均有旅店。供張架樹爲屋。削石當瓦。壘土爲牆。編茨作籬。過客頗堪一飽。此地自古不通中國。凡游滇者咸道出蜀粵。迨有明始置宣慰司而關通之。捷徑焉。先是僅居苗族古號羅施鬼國。獠狎椎魯了無文。化明代乃漸移民實其境。而以苗族歸農。至今黔人之佃者尤多。倚苗族山深林密。長於斯聚族於斯者。不迷於道。卽葬身於狼豺腹中。且尤以虎患爲最烈。余自幼隨宦黔垣。年及弱冠。輒喜乘馬荷鎗。作獵夫之勾。當時獲佳禽野兔。以供饗養。意怡如也。父老或爲余戒。余僅領之。因凶猛之野獸。余平日從未一遇。故未悉其利害也。

然余之愉快在此中。得余之恐怖亦自此中生。迄今思之。猶然心悸。當一千九百零三年。余隨侍八寨任所。此地漢苗雜處。號稱難治。地形險要有兩山高可千尋。突立對峙。中僅容一二人並行者。有危巖

作欲仆勢巖脚現大穴如獅張口深黑無際者有童童一石山高廣不可方物其上無一草一木者有尖峯形勢嵯岬鳥飛不到者八寨寨山爲城周圍約萬餘家大多數俱係黑苗苗有生熟兩種生苗不諳漢語納賦貿易悉情熟苗熟苗居八寨生苗往往掘山頂成巨坑聚族而居坑中卽就山石鑿成階級層累而下深輒十餘丈又虞山雨之掩灌也則於坑底四面穿穴達山外通以巨竹而備疏洩坑之上端則滿植叢樹氣象陰深驟至者絕不能知此中有人是之謂坑苗漢族亦少與交通凡人需入其坑中者一必先由山外躋其山巔方再盤旋而下非稔熟其徑者則拗折難行二此種處所防禦殊固相山勢闢羊腸小路一條其餘會不容足生客猝至隨出惡狗囓人稍不經意血流標杆卽或尋得問道可以攀登而巖際每就簾類束巨石一經牽石乃滾滾下擊若必欲一至其中遊囑者非預由熟苗介紹不可余曾過訪此種苗族四十餘處大抵人畜雜居污穢不可嚮邇予素好獵是年三月廿四日子以天氣清明游興勃發亟命奚奴裹飯糧選駿馬預備作竟日游而余則攜余寶貴之獵鎗身實子彈三十傲然出門去家人雖戒余以早回然亦不甚措意以此等舉動爲余之慣例也於時余與奚奴各乘一騎緩緩向山中行去余樂乃不支鳥語花香嵐光潭影雅足增人逸興惜余是時不能詩否則定有佳句馳驅約廿餘里越山已七八重怪峯奇境漸觸眼簾馴至無半步平坦之路人坐馬上野

草山樹高且及肩。擇可容馬蹄處前進。初尙見農家菜圃。三里以後。則皆一片荒蕪矣。野蜂成陣。動輒螫人。余僕及其騎。已罹螫患。然余等仍鼓勇直前。又里許。得一平陽地。大幾百畝。細草如茵。余又顧而樂之。迴塘三四。見有死鳥異蟲。浮諸水面。以故人馬雖渴。不敢飲。余度地坐。僅命僕牽余馬。及其騎溜之。蓋彼等蜂。創固不甚劇也。少頃。余解裹糧。與僕共食之。馬則隨意嚼草於旁。忽見野雉。山羊出沒其間。或飛或鳴。余至是。技乃瘡甚。閱三鐘許。共得野雉十一。班鳩五。山羊一頭。余喜不自勝。正欲再試。回顧日已。脚山爰部勒所獲。使僕肩之。返身尋馬所在。則杳不可得。蓋已離放馬處二里餘矣。依稀山路。略可辨識。亟奔而往。則僅存余馬一匹。僕騎乃遍覓不見。維時。日墜崦嵫。迴光反映。作玳瑁色。余等心始生怖。籌度歸途。乃不能再入叢莽。惟能擇一較平之路。方便馳驟。然又僅存一馬。何施而可。不得已。與僕約。一人乘馬。以獵物加其上。一人徒步。彼此迭更。幸值陰曆上絃。月色濛濛。雖不致顛蹶。然已身入虎口。而不自知。總之余等之失檢處。爲兩人孤入若干里。未見人跡。又不識途。且敢勾留於荒陬僻壤中。以至日晚。真少不更事也。余等行不及里餘。忽聞野獸爭鳴。聲驚岩谷。馬聞聲。尤鞭之不動。嗚呼。吾馬似已泣告。余曰。請從此辭矣。余等至斯。乃大懼。余探囊。僅餘子彈七枚。僕則僅餘五枚。各實諸鎗。牽馬緩步而行。東西南北。都不自辨。惟冥索而已。正惶急間。僕謂後似有巨物。追來。余回視。果然。率

放胆擊以一鎗。詎彈甫發而巨物已至。身其捷如風。諦視之。則一黃柳條紋大虎也。目光炯燦。憤亂中實不辨其大。乃何等。立攆馬背獵物。及馬而食。余始悟先是一馬。亦必爲所噬。亟與僕屏息狂奔。足下砂礫路旁荆棘。都所不計。屢仆屢起。至於衣裂趾破。血痕殷然。先是余曾囑僕謂吾等無論如何。狼狽萬不可舍棄手中之鎗。恐孽虎食馬。既盡若或追來。則尙可爲最後之決鬥。急行約三小時。亦不知幾何里。余疲惫不支。僕尤喘莫能仰。天上月影漸漸溟濛。而山凶水惡。前望良渺。去路不得已。僭僕略亦箕踞坐。甫定。忽聞百餘丈外。似有犬吠聲。審聽犬聲。乃發於彼山之陰。遙望林木森森。揣必黑苗所居之山坑。喜極馳往。甫及半途。有山澗淙淙然。苦不能越。略一探之。幸尙可涉。襪履盡溼。亦不暇顧。比達其處。摸索良久。始得路之所在。冒昧上登。不意突來數村犬。向余等猛撲。始猶竭力抵禦。繼而愈聚愈衆。余與僕皆受重創。痛不可忍。乃相與以背抵巖石而號。未幾余等乃昏不知人矣。

翌日。余倦眼初開。則身臥余書室中。家人環集。俱現驚憂之狀。余強欲起坐。而竟體傷痕稠疊。如加桎梏。痛心脾。亟詢所以。衆咸戒勿言。余仍絮絮不休。且堅問僕之生死。家人乃告余曰。吾等見汝夜分不歸。知必有異。乃偵騎四出。至詎城十八里之籬籬。窺途遇黑苗多人。鼻奄奄一息之。兩人持火執械。而馳見偵騎。具道其故。謂彼等聞犬聲。疑似盜。強隨出探視。見余等僵立山腰。面無人色。羣犬圍吠不

休而獵。鎗猶堅握不釋。呼之不應。撫之體尙未冷。知爲暈去。渠等本擬從容施救。遲明送還。有某老者。不以爲然。乃匆匆向署中而來。蓋余於平時頗喜與苗人周旋。故彼等識余爲何如人也。渠輩又云。是夜幸係集期。坑中尙有人出入。以故未設諸葛箭。不然殆矣。諸葛箭者。以富有彈力之巨竹。彎之成弩。內置毒箭多枝。外鍵竹製機簧。而拖長繩於路隅坑山四圍。無慮數十具。人畜踐之。箭驟發。見血卽死。所以防盜賊及虎患也。相傳此箭爲諸葛征孟獲時所造。故得今名。不逢集期。坑中居人迨無日不設。備故余尙屬不幸中之大幸也。否則不死於猛虎。而死於毒箭。冤哉。余與僕臥病約三星期。始杖而起。又逾旬餘。傷漸平復。康健如常。竊意黔中故多猛鷲。獵人俗稱打虎匠。匠率以單身斃虎。售其皮骨以爲生。余等亦昂然七尺。何以旣失馬。又傷身。無乃不武之甚。思之甯不汗下。又閱月餘。余故態又稍稍復萌。爲家人嚴禁。而止願心。則旣欲得一打虎匠。而師其術。遂托友物色其人。未幾果得一人。隸青苗籍。名慕慕。獠身長。面黑。蚪髯。髮且能操漢語。熟苗也。素業打虎。家已小康。余遂延至署齋。與約爲友。其人亦頗以得交余爲榮。久之。余白所求殷殷。致問彼。曠然曰。是易易耳。苗人迨無不能者。然亦須利其器。又須諳虎性。始克有濟。余窮詰其究竟。彼乃出一形似鉄傘者。相示。惟頭有倒鈎柄。聯巨練。練盡則繫以鋒銳之鋼錐。粗殆如腕。而長可盈尺。詢其何用。則曰。多數虎命。悉懸於此。凡我制虎。輒先伏地。

作羊豕鳴而以鉄錐釘入樹根我則自頂至踵皆蒙獸皮半撐鉄傘以護上身左手握傘柄右手筭傘
機踞地以俟虎來必猛撲余頭覷其張吻欲噬之頃乘勢以傘置其口中則虎口上下四旁均爲倒鈎
所牽急切難脫我再以鉄釘橫貫傘機上趣出虎後用鉄錘或利刃殺之蓋不爾則恐其忍痛負嶮犧
牲其唇皮而搏我嚙我彼爪牙固在又焉能敵余曰擊虎之術盡於斯矣然所謂虎之性者復如何曰
打虎匠必善知虎不然技雖精終無效蓋虎實富有知覺凡大木森茂草叢處均不敢近因懼鳥
類遺矢其毛革上行潰爛也山間如遇平陽地方廣若干必爲馳逐之所山勢巖巖作欲仆狀其下可
蔽風雨則爲虎巢巢前必係千尋深澗爲人跡所難達百不爽一虎日出而伏所得食物並不立盡恆
狼籍澗側以備不時之需鄉人有黠者或發見虎貯死牲陰置以毒間亦斃虎然其皮骨則無良斂遠
遜於打虎匠物大致久於黔者類能辨之虎極畏冷冬令則擇巖壑之較深者居之以谷中暖也亦不
甚食殊有蟄虫性質春氣發動乃振奮而俗名破山虎銳不可當尤饑不可耐覓山羊村豕飽啖必不
得已始食人緣虎目視人頤而長固有數分懼怯故食人與食畜異食畜僅如貓之捕鼠食人必縱高
而撲之虎性又不畏強禦人若遇虎蹣踪而過虎亦望望然去因彼此咸懷戒心倘使叫囂以威之發
鎗以擊之則虎性輕怒好鬥人反罹其害也總之虎不喜受激刺四顧寂寂偶然風來虎必狂逐卽此

可想故吾輩殺虎若不見虎時必效畜鳴以誘之亦既至也則發各種怪聲以激怒之始獲投吾餌而入吾彀中矣虎孕七月而產其交也以春頗與貓類禾苗方盛恆聞兩虎長號震山盪谷則知其正在交接也詰朝起視滿田蹂躪不堪重需佈種種家頗以爲苦黔省之下游產虎極盛緣該處崇山峻嶺且多人跡未到之區唯打虎匠窮搜索時或一至微雨沾泥恆見其上盡印虎爪痕於是卽在此四捕之夜不居屋隨身攜有大衣袋一具懸於高樹遂寢其中如是者恆一二星期必獲數虎始入城市售之虎居之處野獸不甚蕃滋一因虎食過半一因野獸懼虎亦逃亡一空虎似頗知之若近穴數十里無所得食必遷地爲良且尤喜傍村而棲以村中多家畜便於乘間攫食所忌者惟肥碩之水牛而已水牛在田若見虎必奮鬥虎輒不勝牛以角抵虎於石虎雖腹破腸流牛固不知也風動虎毛牛以虎尙生抵之更力卒至力竭而牛亦死虎之搏獸頗具種種法度其食猴也猴遇虎而狂逸相率登樹虎僅至樹底長號一聲則羣猴墜落如熟菓虎乃從容盡之其食麋鹿羴羊則極似貓之捉鼠其食馬食黃牛往往不先制其死命暫以口啣馬鬃及黃牛之短角挾之同行馬牛負痛靡不隨之虎則以尾作鞭策儼然如人直抵其穴始行嚼噉野人放鴨夜間則掘岸泥容身其中縱羣鴨於水而圍以籬庶鴨可保不爾者虎至先以足撲殺鴨然後以鴨對置中間盡係鴨頸事畢啣鴨頸而去遙見虎口左右垂

垂如蘿蔔。卽所啣之鴨也。村舍豬羊等圈。尙在屋外。則明。日空矣。故恆從砌下掘深穴。達屋底。以居。六畜虎喜獨行。從未見其合羣。而嬉。僅春二三月。引所產。羴虎出游。始教以撲兔。繼則及撲羊鹿等物。迨羴虎雄壯如母。則已秋盡冬初矣。大致虎孕七月而產。再經七月。卽長成。至是散去。母子均不悉。何往。鄉人有稔其穴者。搜之。亦無所見。僅餘獸骨鳥毛而已。凡頭大口。方尾修身。短大幾如牛者。方爲真虎。否則頭小口方。尾修身長。土人呼曰彪。頗不凶惡。可豢養。恆爲虎所搏。食豹乃的係虎生。惟豹不能生。豹亦猶騾爲馬驢而生。而騾不能生。騾也。豹猛於虎。尤善噬人。毛紋作榆錢式。打虎匠亦以制虎法殺之。據云。獵得一豹。察其滿身錢紋。中有若干個開花者。則此豹必曾食若干人豹頭。口略似獅子。尤身長若馬。尾修若虎。然亦有小縷如狼者。諒爲虎不正當之生子。故爾爾也。打虎匠言之娓娓。余亦聽之津津。屢欲入山一試其技。終爲家人嚴禁不果。並謝絕其人。無何。余家由黔返吳。余亦去。劍學書回首。前塵都如夢寐。閱者諸君。亦頗饒有談虎興味。否。昔余欲知虎。乃求諸打虎匠。今諸君倘欲知虎。卽請以余爲諸君之打虎匠。何如。

鄉農遇虎談

曙影

客有道經英清之交者。聞鄉人言。亂山叢錯。林深箐密。中向多虎患。鄉人出入咸有戒心。每當烟昏霧

重○之○晨○月○黑○風○腥○之○夕○非○聯○羣○結○隊○不○敢○作○郊○外○行○也○村○農○每○藝○芋○田○懼○爲○田○豕○傷○耗○因○結○廬○田○際○夜
間○守○望○以○資○防○護○自○山○君○出○沒○是○間○相○戒○無○敢○夜○宿○者○田○間○多○植○竹○巨○如○椽○堅○可○作○杙○桷○會○有○村○農○某
爲○防○虎○患○計○架○竹○爲○巢○夜○則○猿○升○其○上○止○宿○而○看○護○焉○懷○刃○及○鎗○藉○以○自○衛○一○夕○新○月○微○明○狂○風○怒○吼
林○木○簌○簌○落○忽○有○牝○虎○啣○子○來○置○田○間○餽○戀○備○至○逾○時○棄○子○去○村○農○知○其○覓○食○急○下○刃○其○子○斃○焉○復○緣
樹○上○以○覘○動○靜○無○何○牝○虎○啣○一○小○豕○歸○拋○擲○與○子○戲○引○使○攫○食○久○之○子○不○少○動○虎○蝮○伏○審○視○則○已○僵○矣
咆○哮○跳○躑○扶○地○地○陷○木○葉○皆○飛○怒○目○四○顧○忽○仰○視○竹○叢○中○人○影○怒○不○可○遏○直○撲○而○前○樹○高○不○能○上○村○農
鎗○擊○之○屢○發○不○中○彈○盡○擲○刃○中○背○革○堅○不○可○入○虎○怒○嚙○竹○摧○枯○拉○朽○應○節○而○倒○幾○及○半○村○農○伏○巢○上○不
敢○動○齒○格○格○作○聲○自○料○再○嚙○數○株○覆○其○巢○將○葬○虎○口○矣○俄○而○虎○悲○號○作○搖○尾○乞○憐○狀○審○視○之○則○破○竹○箝
其○口○力○拔○則○痛○不○可○忍○無○計○脫○出○伏○地○哀○鳴○聲○漸○嘶○村○農○知○其○無○能○爲○也○潛○身○而○下○亟○歸○報○鄉○人○齊○出
而○械斃○之○權○之○得○百○餘○觔○分○割○而○食○其○肉○焉○此○客○返○自○北○江○聞○鄉○人○言○而○爲○余○述○者○並○謂○鄉○人○談○次○猶
色○爲○之○變○云○

僵怪

某壯士以膽豪心目中無畏字也一夕盛服飲於市賓朋促膝不覺夜闌時方秋末霜凝階砌冷月隱

韋士

雲。裏。壯。士。家。去。市。約。三。里。許。衆。留。壯。士。宿。壯。士。不。願。提。燈。獨。行。出。市。行。邱。墓。間。壯。士。素。放。逸。風。吹。燭。滅。則。竟。棄。燈。村。梢。犬。吠。樹。杪。鳴。鴉。反。引。起。壯。士。夜。行。樂。趣。忽。身。後。足。音。瑟瑟。乃。緩。步。俟。之。蓋。以。爲。夜。行。得。伴。共。話。殊。較。踴。躍。爲。佳。也。久。之。履。聲。漸。近。壯。士。乃。遙。問。之。曰。客。何。往。客。默。然。不。答。壯。士。睨。之。來。者。面。黑。牙。突。出。鬚。髮。森。森。猶。鬼。也。駭。極。而。奔。鬼。隨。其。後。壯。士。幾。爲。鬼。及。屢。轉。折。以。避。之。棄。路。落。荒。田。中。鬼。追。仍。不。釋。大。恐。且。踣。念。身。爲。鬼。獲。者。裂。矣。奮。力。前。奔。突。有。湖。阻。其。前。壯。士。心。膽。俱。裂。而。鬼。已。追。至。湖。旁。有。柳。一。株。冒。死。猱。升。鬼。抱。樹。幾。折。以。爪。搔。樹。榦。樹。皮。屑。屑。落。壯。士。驚。絕。恐。樹。倒。己。身。不。落。水。卽。爲。鬼。攫。四。望。不。見。人。居。呼。號。莫。達。危。急。中。忽。念。鬼。恐。可。以。計。誘。乃。折。枯。枝。脫。身。上。衣。冒。枝。上。投。之。湖。水。花。濺。起。鬼。果。入。水。抱。枝。奔。去。壯。士。隱。柳。葉。中。猶。隱。約。見。鬼。越。邱。墓。也。驚。弓。疲。鳥。暫。棲。枝。上。聽。鷄。鳴。聞。足。音。不。敢。呼。行。近。見。其。面。知。爲。人。始。央。救。掖。之。使。下。送。之。還。家。終。其。身。不。再。夜。行。不。以。膽。豪。噫。夜。半。追。人。得。枯。枝。而。去。者。豈。祇。此。怪。世。傳。僵。尸。殆。此。類。也。擲。以。衣。抱。而。去。鬼。中。人。計。耶。抑。人。中。鬼。計。耶。行。路。難。可。慨。哉。

水怪

沈肝若

人。或。落。水。而。死。迷。信。者。輒。曰。是。水。中。鬼。索。替。身。誌。怪。之。書。多。有。紀。載。或。故。事。緝。染。以。恐。讀。者。余。故。特。紀。水。怪。一。則。以。破。之。揚。州。十。二。圩。濱。於。江。多。港。汶。光。緒。某。年。有。一。人。落。水。死。未。數。日。又。二。人。繼。之。於。是。哄。

傳某港有鬼。且有一人既淹而遇救。得不死。謂初落水時。卽覺有人拽其足。迨既得拯。而始釋之。言之鑿鑿。衆乃益信。甚至有謂親見鬼坐岸上。見人來跳入水。澎然有聲者。於是相戒不敢過其地。既而有漁舟載私鹽。爲緝私巡船所截。獲藉沒其網罟之屬。戲於港口。密佈滾鉤。以求魚。乃忽獲得一水怪。其形如猴。週身有鱗。而生綠毛。其首如狼。其前爪如雞距。後足若膾。胸魚無尾。初著鉤。竄躍思遁。力絕。偉大既出水。有聲噴噴。巡勇始猶驚駭。不敢動疑。爲江神所化。白於哨官。哨官適宴於某書記家。某博聞多記。詢狀曰。是水怪也。見於某籍。能伺人隙。攫人於水濱。乘人之未死而吸其血。故人之落水者。往往不見其尸。必俟之許久而後上浮。卽水怪之所爲也。聞某港近多落水死者。洵此怪作祟耳。今被擒。患當絕於是其往視之。而以鐵索鎖之。船舥亦無他異。惟其齒極銳利。與以竹木嚼之。如啖蔗。余時赴金陵泊舟十二圩。曾目覩之。

五大將

沈肝若

南方有五通。北方有五大將。五大將者。狐、山狸、黃狼、田鼠、長蟲也。謂此五物。咸能譁張。爲幻迷惑人。至死故北人之譚五大將。猶之南人之譚五通神乎。其神可信可疑。姑誌其一二端。以資譚助。五者之中。其最足引人發噓者。莫如田鼠。土人稱之曰豈鼠子。鼠性本最黠。故其爲幻亦近於游戲。受

其迷者以牲畜爲多人則往往遭其擲揄耳如閑行壘畔忽擲暗箭而傷及人之肌膚人苟見之則以兩前足作擲揄狀投以石能隱身遁初無大害也至於牲畜苟受其迷或能奔突觸壁而死或能癡立不動而聽其指揮若田間之青蛙則能乘之渡河飛空之黃蜂則能招之使落種種怪異殆難勝述一日鄰有某姓家忽發現一奇事該處居民壁間最高處咸平懸一木板以供神佛香爐燭臺之外復有長明燈一盞油液終年不竭某姓婦乃迷信之尤者平日供奉甚虔每晨必閉目誦經於其下是日之晨洒掃既竟仍諷經如故忽倦而思寐遂憑於几未幾寤見板上忽來一貓木立於燭臺畔貓之頭與頸有草縛之如馬之御籠頭然且有長草如繩繫於燭臺而一鼠正踞油缸吸其聲唧唧某姓婦大聲一喝鼠遁貓亦噉然鳴於是去其縛而釋之余當時亦聞而往觀也噫奇矣

黃狼之魔力殆較甚於田鼠余旅居該省時僱某姓婦二人爲傭婦稍有姿色喜調脂粉每晨必臨窗梳洗與余內子居只隔一紗障而對窗則卽其夫男僕所居隔一院亦不過遠相望不相接余與內子嘗以此語調之者詎一日僕婦梳洗未竟余方起將欲呼之取盥水不應乃從紗障中望之見婦兩手加於髻絕不稍動而面則呈媚態若與對窗人作昵語者余幾爲之失笑以爲彼婦正與其夫作眉語也乃復縱目及對窗而對窗則闕其無人祇見對面之屋簷上蹲一黃狼舉其一足向彼婦作指劃狀

余始駭而悟亟趨出院遂黃狼去婦亦遂醒試詰之曰汝何所遇婦瞠目不能對謂祇覺一時昏瞀而已是亦一怪事也

巨刹密室

許指嚴

相傳明季京郊外有顯慶寺。寺僧名超凡者。代王出家。倚勢作奸。不守戒律。性好漁色。有隧道藏匿婦女。酒色雜糅。無所不至。後爲力士所擒。卽坊間所刊之雙珠球小說是也。願其事多誕慢。不甚可考。類於好事者所影造。友人或酒酣耳熱。談此軼事。一老者悚然曰。此事信否。吾不知。惟吾所經歷一事言之。至今猶心悸。因可知寺院中慎勿獨行深入也。憶是日爲端午。日吾因肆中停職。此老固市商所操何業。已忘之矣。略飲雄黃酒。飽啖黃魚。酣適已甚。遂與同儕二三人信步出東郊。值某巨刹。全班僧上殿。大宣佛號。蓋逢歲時令節。則爲之慣例然也。登殿參觀。諸僧排列成林。旁有婦女點綴。然亦覺了無趣味。梵唄之聲聒耳。尤非吾所願聞。乃不使同儕知。一人潛行出殿。曲折繞廊。游行信足。所不加別擇。輾轉如螺。遂忘來路。所歷院落數重。皆非從前所經者。意恐同儕久待。覓路欲回。而苦不得出。反覆循環。如入八陣圖。歷時良久。仍非原路。足痠意倦。見有石如砥。光潔可愛。遂坐其上。小憩。忽聞管絃嘔啞聲。其細如蠅。出自石洞中。疑訝已甚。環石覓視。了無痕迹。以爲必此間近隣院聲。自外來也。有

頃隔洞聞呀然啓戶聲石勢崕呀略可窺伺則一小沙彌眉目俊媚手撫門棖回首若有所望笑容可掬心益奇異時身蔽石間適有洞容兩目絕妙窺覘遂欲一窮其究竟突見小沙彌手攀戶外之花招展調笑知戶外必有人而不見其面須臾轉出一垂鬟小婢倒持掃花之帚與小沙彌相逐擊小沙彌躍入左側一戶小婢追之旋相將俱入門闔遂無人聲心念此闔若問安得有此豔婢設爲隣居耶又安能與小沙彌相逐是必有異胡不一探斯時頓忘危險奮然出洞轉求戶所在處曲折數十武始抵前所略戶下戶在小亭間乃一木刻之屏嵌於壁間藤花繞其上絕無綻裂痕予既知其奧窔毅然以手推之不動彷彿見小沙彌曾以手按屏角乃試劾之果驟然自啓豁然開朗其中榴紅似火樓閣清幽簾幙垂垂宛如大家園亭踟躕不敢入轉念業已至此何不一探乃依廊環走瑤草琪花畫屏錦障陳列擬於王侯歌管聲忽近在咫尺駐足諦聽知在左側一小閣中顧視其處雕闌晶牖馥郁深煖狙行入窗下一覘駭悸幾暈仆蓋一肥白如匏之僧正擁二八麗姝作種種褻態而旁列之粉白黛綠者調絲擷管奏曲未央亦不辨幾何人也急旋踵遁出則惡僧已覺破窗追出大呼何來野奴膽敢入此正欲追攫時忽若有所取復入室中予觀壁屏未閉疾飛而出顧心念塗徑曲折已歷久不得出今且後有追者心急足達豈復能辨別是必死於此無疑僧反身入室中必提刀劍之屬耳顧聞身後已有

足聲回首試觀果見僧於數十武外執晃晃之刀光如雪其行甚速危機殆一髮予惟舍命狂奔不知途之遠近忽一壁當於前不可踰陰呼予死於此矣瞥睹一獅子犬隨予奔且突過予前至此乃轉入壁角一小洞門中予以先後等一死計不如隨犬行乃亦轉入洞中由洞底趨甬道幽暗如昏夜油燈略有微光長約一箭既出甬道則爲一院落由院落繞而前則爲殿後之齋堂予所恆至矣游人亦漸多心始稍紓氣喘如吳牛獅子犬已不見耳中猶聞僧恨恨聲謂竟留汝狗命也恐尙爲彼等暗算急出寺返肆而足力已竭不能疾行道旁有小車給錢三五乘之而歸同儕咸問訊獨往何處詭以痧恙猝發困頓階石下賴一僧灌救始得歸自是心忤膽裂竟成喘疾一臥月餘始獲痊絕不敢洩其事恐僧來報復也一日正立闌間有僧入購物諦視予面殷勤問訊予恍然憶爲肥白僧也欲避之僧已知覺遺一紙裹而去予拾而展視之緘固重疊上畫一瓶剖其中所有乃某錢肆銀券百枚也予解其意取銀歸辭主人往他肆歷十餘年聞某僧已圓寂始敢洩於人而予之獲小康亦以其百金爲基礎因禍得福不可謂非予之幸事也予念當時非獅子犬已久爲刀下鬼故喜蓄犬以盡報恩之微意云

徐用儀家之怪

吳之之

庚子牽禍海鹽徐大司馬用儀亦無故罹災當事發之前其家往往見黃白小雀從檐際飛出而夜間

尤。多。於。是。舉。宅。相。驚。以。爲。怪。異。一。夜。月。色。朦。朧。之。下。一。雀。疾。飛。觸。牆。而。墮。急。趨。執。之。已。化。爲。黃。金。矣。於。是。發。筒。檢。視。封。識。無。恙。而。耗。蝕。甚。多。亦。有。蠕。蠕。然。動。方。化。爲。雀。而。羽。毛。未。豐。者。乃。悟。紛。紛。飛。出。者。皆。金。銀。也。自。是。而。後。不。復。見。雀。而。輒。有。怪。物。爲。祟。時。啼。時。哭。終。夜。不。甯。智。者。早。識。其。爲。破。家。之。兆。果。未。半。載。而。身。亡。家。破。神。怪。之。事。固。難。深。信。然。理。之。所。無。未。必。不。爲。事。之。所。有。若。此。事。者。亦。一。端。也。吾。人。但。存。而。不。論。也。可。

● 奇異類

陸祥

程善之

陸祥。粵。西。一。故。家。子。也。祖。登。甲。榜。父。亦。孝。廉。及。祥。之。生。家。業。稍。頹。敗。乃。父。以。筆。墨。支。措。一。切。而。已。祥。年。五。歲。戲。於。庭。有。行。脚。僧。過。之。曰。噫。此。樓。槍。之。相。也。他。日。當。爲。異。域。貴。臣。然。不。能。久。無。救。終。身。之。貧。賤。其。父。怪。之。欲。詰。僧。僧。已。去。不。知。所。之。祥。年。稍。長。不。好。讀。書。而。喜。從。無。賴。輩。飲。博。父。屢。訓。責。之。終。不。改。未。冠。喪。父。益。浮。蕩。無。忌。憚。父。喪。未。闋。復。喪。母。既。不。事。生。產。又。連。遭。大。喪。不。能。自。活。蜉。蝣。飄。泊。竟。出。關。去。當。是。時。越。南。猶。爲。中。國。藩。屏。華。人。至。其。地。者。甚。多。待。遇。與。國。人。等。祥。既。窘。甚。其。鄉。人。有。設。肆。灣。祥。州。者。祥。從。之。爲。夥。月。得。十。餘。千。足。供。煙。酒。而。已。邊。祥。州。巡。撫。劉。文。懿。爲。政。有。治。理。軍。民。翕。然。當。時。法。教。師。恃。其。

國。力。驕。甚。數。侵。地。方。權。獨。於。邊。祥。州。則。不。敢。文。懿。長。身。皙。面。年。三。十。餘。蓄。鬚。鬣。鬣。見。祥。者。皆。以。爲。似。文。懿。特。神。采。不。類。耳。已。而。法。越。釁。起。法。人。攻。越。南。諸。州。甚。亟。文。懿。守。邊。祥。以。衆。志。堅。固。法。不。能。克。且。屢。出。奇。兵。卻。敵。及。法。已。定。北。圻。乃。悉。衆。攻。邊。祥。兼。挾。開。花。砲。炸。彈。彈。丸。日。飛。入。城。中。比。屋。多。毀。衆。恐。懼。文。懿。猶。堅。守。不。移。法。聲。言。屠。城。州。人。益。懼。力。請。於。文。懿。爲。生。靈。計。文。懿。嘆。曰。事。不。可。爲。矣。然。士。可。殺。不。可。辱。我。豈。能。爲。降。將。軍。哉。拔。劍。自。刎。左。右。力。持。之。卽。解。印。綬。懸。帳。前。自。跨。馬。從。間。道。去。前。此。劉。嘗。詐。降。設。伏。城。中。誘。法。入。殺。數。千。人。至。是。衆。請。降。且。以。劉。已。去。告。法。法。不。可。曰。必。得。巡。撫。親。來。不。然。屠。無。赦。州。人。無。計。時。祥。在。圍。城。中。聞。屠。城。之。說。窘。甚。方。求。出。不。得。躑。躅。街。頭。一。人。見。之。忽。呼。曰。使。君。在。斯。矣。衆。人。皆。和。之。曰。在。是。矣。得。矣。我。等。有。生。路。矣。羣。圍。如。雷。祥。不。知。所。爲。聽。衆。擁。入。至。法。營。有。戎。服。佩。劍。者。坐。中。間。望。祥。卽。投。以。一。紙。子。簽。押。中。皆。法。文。祥。不。知。誰。何。躊。躇。間。法。將。按。短。槍。睨。之。卽。大。懼。草。草。一。揮。訖。法。將。忽。作。越。語。曰。君。自。號。健。者。誓。死。與。我。師。角。乃。有。今。日。耶。祥。至。此。始。悟。誤。會。不。知。吉。凶。唯。唯。而。已。須。臾。法。將。上。馬。亦。別。以。一。馬。令。乘。之。鞍。轡。華。美。馬。亦。駿。邁。祥。生。平。所。未。經。見。如。在。雲。霧。中。聽。人。播。弄。法。將。搗。祥。遍。視。營。壘。法。人。見。其。衣。敵。爭。指。之。曰。若。一。巡。撫。乃。衣。貧。人。衣。矯。飾。如。此。將。謂。奇。智。今。日。究。能。逃。吾。輩。面。否。耶。祥。亦。不。覺。赧。然。法。待。以。賓。禮。供。膳。豐。餽。三。日。後。斂。兵。安。民。遂。釋。歸。尋。返。粵。西。每。舉。以。語。人。謂。僧。言。乃。

奇中也。

部郎奇遇

鄭孝胥

楚北章郎中宦於京師爲人美丰儀善談論一翩翩年少也嘗爲友人招飲酒樓宵分劇醉期家中車不至酩酊躑躅獨行過一委巷有馬車轆轤然來見章立住直招之登章醉眼糊模以爲家所遣也跨而上車行縱橫曲折莫知東西良久至一所車止則在朱門之側石級十重危牆數丈章纒下御者遽以物羈其首曳以行章大駭然不能支拄覺前後左右凡有數人或推之或挽之踰門闔甚多俄然至一所衆爲解其羈視左右則美婢二三人明眸巧睐吹氣如蘭視其處則畫堂明燭珠簾半掩地上五文鴛錦著履皆柔堂中獸爐一香氣徐熏滿一室章倉黃無措亟向婢詢問婢笑曰郎旣甘心來此復何問爲俄而珮環微響屏後一麗人姍姍來遲旣至前見章曰噫此非某郎也顧長婢曰汝亦不審耶婢曰此皆阿大誤事教渠留意者今乃如此若放之出事更不了矣章木立不敢動見長婢向麗人耳語久之麗人面微頰走入屏風後隔屏風猶隱隱見衣裙裾幅也數婢推章入他室章此時已漸漸解其意顧尙微怯卽聽婢所爲婢爲易衣膏沐歷一時許始蒞事笑曰癡郎便宜殺汝矣斯時麗人已低鬟微笑立堂前婢持酒肴入推章就麗人坐章旣飽飲不能多食略進數筋麗人亦根根然惟秋波送

媚。而。已。婢。從。旁。執。壺。力。勸。章。勉。釀。數。杯。麗。人。亦。微。有。酒。意。婢。撤。肴。饌。送。婦。寢。衾。褥。華。潔。豐。若。有。餘。栩栩。蝶。魂。桃。源。得。路。將。錯。就。錯。更。不。窮。追。章。中。夜。暫。醒。酒。渴。思。茶。視。麗。人。睡。已。熟。牀。前。一。短。几。上。有。水。菓。數。枚。伸。臂。探。取。之。時。燈。已。欲。燼。手。誤。觸。一。物。堅。且。方。類。印。章。卽。納。枕。畔。更。攪。菓。食。方。半。聞。叩。門。聲。麗。人。驚。醒。促。章。同。起。章。披。衣。卽。潛。納。印。於。衣。囊。中。欲。以。爲。徵。比。出。門。婢。仍。霧。之。如。前。登。車。至。家。天。未。明。也。出。印。章。視。之。象。牙。小。方。印。上。刻。宗。順。啓。事。章。大。爲。駭。汗。蓋。宗。順。者。滿。刑。部。侍。郎。章。卽。其。部。之。郎。中。也。數。年。後。宗。順。沒。始。敢。以。告。人。并。云。麗。人。始。終。無。一。言。聽。其。與。婢。語。蓋。有。類。吳。音。者。自。詫。爲。奇。逢。也。

梅灣異草

沈肝若

梅灣在蘇屬吳縣七子山之麓。余每歲以催租掃墓時至其地。山樵村農半與余相識。豆棚閒話亦有足紀者。老農王尤健譚多識。村中故實謂五十年前是地後山林中忽產異草。觸之能死人。亦能生人。當地人無以名之。名之曰陰陽草。草絕大如慈菇。葉緋色。邊有刺甚鋒利。當時有其族中小兒逃學。匿林中見草奇之。以有刺不敢拔。歸告同學。約散學後同往視之。旣而羣兒畢集。有黠者挑以竹草齊根。斷乃爭往取之。族中兒首先拾得。羣兒共擠之。翼攘奪焉。不意族中兒遽倒地。草委於地。一兒復拾之。見族中兒不動。以爲人奪其草。而作伴死以恐人也。戲以草上刺刺其膚。血出。族中兒方甦。羣笑之初。

不。以。爲。意。乃。笑。聲。未。已。而。持。草。之。兒。又。無。故。猝。然。倒。羣。兒。始。異。之。族。中。兒。忽。悟。因。呼。曰。草。有。毒。羣。兒。大。愕。思。遁。族。中。兒。曰。不。可。余。初。執。草。無。他。異。嗣。有。根。上。汁。染。余。指。覺。週。身。麻。木。而。僵。既。而。忽。鬆。爽。亦。不。知。何。由。而。然。想。彼。略。臥。片。時。亦。當。甦。俟。其。甦。而。同。行。爲。便。羣。兒。聞。語。同。聲。曰。汝。之。甦。草。上。刺。刺。之。也。試。驗。汝。臂。尙。有。血。痕。在。族。中。兒。視。之。果。然。因。復。建。議。欲。如。前。刺。倒。地。兒。羣。兒。皆。曰。然。然。咸。不。敢。拾。草。互。相。推。諉。族。中。兒。挺。身。前。曰。余。死。彼。刺。活。之。今。彼。死。矣。非。余。誰。活。之。耶。且。所。懼。者。根。上。之。汁。耳。苟。不。令。沾。及。手。指。何。患。之。有。於。是。端。詳。草。本。無。餘。汁。更。取。兩。瓦。塊。輕。夾。草。起。相。倒。地。兒。之。臂。於。己。所。被。刺。同。一。地。位。亦。刺。之。血。出。倒。地。兒。竟。立。時。蘇。羣。兒。大。喜。試。詢。何。爲。踏。於。地。則。所。述。正。與。族。中。兒。同。羣。兒。驚。奇。之。目。爲。仙。草。且。以。忽。死。忽。生。其。權。可。操。於。俄。頃。而。又。絕。無。所。苦。反。爭。欲。一。嘗。試。之。以。爲。樂。乃。彼。此。訂。約。互。相。染。刺。一。轉。瞬。間。十。餘。兒。皆。飽。嘗。長。眠。滋。味。末。一。兒。方。死。一。兒。正。欲。持。草。以。刺。忽。聞。塾。師。聲。自。林。外。來。遂。棄。草。共。遁。師。至。見。一。兒。踣。於。地。驚。呼。其。家。尊。長。來。舁。之。歸。而。救。之。不。得。活。均。莫。明。其。故。反。疑。塾。師。致。之。死。而。棄。於。林。欲。訟。之。官。叟。叟。爭。不。已。約。數。小。時。始。有。一。兒。洩。其。事。於。家。乃。往。告。死。兒。家。屬。至。林。中。覓。棄。草。得。之。以。刺。死。兒。血。不。出。無。效。死。兒。家。屬。又。大。憤。謂。告。者。庇。其。師。而。愚。弄。人。於。是。是。兒。復。邀。集。羣。兒。共。證。之。且。自。願。於。衆。人。前。覆。試。一。回。以。實。其。事。家。長。不。許。兒。力。白。無。妨。不。得。已。聽。之。既。而。果。然。疑。乃。解。蓋。死。

兒延時過久血凝滯不得復流行故刺之無濟草藏於塾師處久之乾癯無所用棄於河林中亦無復生者噫天壤之間何奇不有乃至一草之微能令人生生死死不可捉摸小兒據而有之居然能探縱死生同尋大解脫門以爲樂其死生之觀亦可謂透徹無餘矣安得天壤間更生此草使彼塵夢迷離時刻作身後計較者一嘗其撒手後之風味果何如耶

二喇嘛

沈肝若

三喇嘛者奉天北塔寺之喇嘛僧也主僧曰大喇嘛次曰二喇嘛又次乃曰三喇嘛三喇嘛蒙古人有名而不傳膂力勝人能禁鷄犬爲人諷經治病輒有效不知其具何魔力也喇嘛僧本不禁娶妻三喇嘛則有妻一妾三供應浩繁所入不敷嘗竊寺中物以售諸人大喇嘛屢戒之不悛焉無何竟被黜不令復入寺大喇嘛有駿馬膏乘之出一日過某衙衝馬忽癡立不動鞭之無所覺下騎牽之足如有根詢其地正三喇嘛所居廬在焉知必爲三喇嘛所爲不得已叩其門而請釋術三喇嘛不承曰實非余所爲然余能治之須得貲以償索絕巨大喇嘛難之以愛馬故願半其值酬十金三喇嘛受金笑而出載以指馬立避奮鬣揚蹄無所傷大喇嘛快快而去越一日復出復如之巡至繞道不敢過三喇嘛所居而乃隨處皆爲所禁每禁必請釋每釋必十金大喇嘛憤不出出亦舍騎三喇嘛無如之何會寺中

每歲舉行跳塔之祭。跳塔者盛典也。寺僧皆以奇異怪誕之假面具如龍馬牛羊之首套於頭。或曰按天上二十八宿之象者。手執鐃鉦鐘磬或弓矢互相跳躍以娛神。正酣嬉間。諸僧忽俱寂然不得動。一人大喇嘛乘騎被禁然大喇嘛知有異疑。三喇嘛闌入寺雜觀。客中乃徧覓不得。令人至其家見之。則方擁其妻妾以爲樂。來者述大喇嘛意。延之去。三喇嘛堅不肯行。曰。本屆跳塔無預吾事。雖往無益。大喇嘛計莫能出。許以復舊職。三喇嘛始樂從之。比至寺。以目直視衆僧。半晌前走。一一拍以肩曰。甦矣。衆僧果應聲而甦。自是三喇嘛遂復居寺中。或謂三喇嘛嘗與一俄羅斯人遊。偶以催眠術其或然歟。

狼子

林紓

陝西之北山多虎狼。居民咸以獵爲業。得虎狼皮售諸市。價絕高。有李翁者。自幼遠賈。耄而歸來。積貲頗豐。有怪癖。無子。旅中人涎其貲。均欲以其子螟蛉之。翁咸拒不納。一日鄰人獲巨狼。檻而過。翁觀之。樂出貲商購。鄰故昂其價。翁亦不惜。如數與之。去翁鼻。歸日餉以米穀。久之狼甚馴。出之於檻。狼亦帖耳曳尾。以就翁。翁行隨之。翁坐臥於足下。人見之詫爲奇。或勸之曰。狼性殘刻。不易馴。一旦變生不測。將無及焉。不如檻之。翁拂然不悅。起而毀其檻。示不復宰。曰。吾將以爲子也。旣而竟閉狼於臥室。與同。

寢處居然若父子。翁鄰家故多蓄犬，會有巨獒入翁家，狼適往隔室去，獒傍翁立，翁以爲狼也，撫以手。狼遽至，見獒目灼灼視翁，翁始知撫者非狼，亟釋手，而狼忽疾撲，獒不及備，竟遭嚙死。於是鄰家恨狼不止，且每見狼，恆惴惴不少安。隱乘間飼狼，以藥，狼遂斃。翁哭之哀，如喪其子。人多匿笑之。余昔讀屠孟昭所撰顧侯虎兒歌序，述顧沂以虎爲子，不禁奇之。然顧孔武有力，虎苟變，尙能制伏之，而李翁則一衰朽無能之人也，純以天機與狼相習，不亦奇之又奇者歟。

杜翁

程善之

長沙杜翁以種菜爲業者也。冬一縑袍，夏一葛衫，子身無妻子，所居僅茅屋兩間，竹林繞之前，爲蔬圃。四面負絕，求居民皆在數十里外。入夜則虎吼於門，鬼嘯於室，而翁泰然也。嘗一夕翁眠未熟，忽有長臂自東窗入，撫其首，翁驚起，又有一臂自西窗入，撫其足，翁笑曰：「而翁年五十矣，追隨諸君之期，當復不遠何躁急？」乃爾兩君生來同體而一，東一西豈可無相見之禮耶？卽牽其手，令互握物，遽縮去。窗外笑聲如磔磔，鳴啻俄而遠引，後竟不復來。又一夕聞竹林中簌簌有聲，疑竊符者，往視之時，當月下見男女二人，偃倚甚濃，翁嘆曰：「此何時子可憐生！」乃來荒山爲此等事耶？男女遽不見，惟聞鬼嘯一聲，近在咫尺。翁徐步自歸，年七十餘，乃嗣一姪，孫爲後，暮偕孫行岡間，虎自竹中突出，孫懼，翳翁身後，翁目

虎。虎。自。卻。行。翁。從。容。引。孫。歸。村。人。述。之。以。爲。異。友。人。陳。君。嘗。見。翁。者。云。翁。爲。人。無。他。長。樸。實。誠。篤。而。已。其。少。時。爲。富。人。傭。主。婦。欲。私。之。翁。走。避。猶。隨。而。纏。擾。翁。怒。騰。一。足。蹴。婦。顛。門。外。幾。折。其。脛。遂。東。裝。去。其。操。守。又。如。此。余。謂。見。利。不。染。則。見。害。亦。自。不。懼。翁。之。卻。猛。獸。制。鬼。物。蓋。無。足。異。也。

魅記

程善之

某。友。言。少。時。與。姊。妹。兄。弟。五。六。人。戲。於。堂。前。堂。側。有。木。桶。一。覆。於。地。忽。覺。其。中。趨。躍。然。若。有。物。者。就。視。之。中。一。婦。人。長。尺。餘。青。衣。高。髻。須。臾。自。隙。擠。而。出。卽。長。三。尺。餘。巨。口。至。耳。衆。咸。驚。然。木。立。不。敢。呼。一。幼。妹。纔。三。歲。不。知。懼。且。向。之。嘻。笑。物。前。抱。之。孩。不。肯。強。挾。以。起。孩。大。哭。母。聞。聲。趨。至。已。釋。孩。猶。徘徊。堂。上。母。急。以。斧。擊。之。物。大。笑。一。聲。忽。然。不。見。陳。君。少。時。讀。書。師。家。亦。嘗。恟。恍。若。有。所。遇。類。於。廩。君。鹽。神。之。比。者。已。而。自。疑。懼。歸。宿。於。家。遂。絕。然。神。思。迷。離。者。猶。數。日。武。岡。首。君。亦。嘗。爲。余。言。壯。歲。射。獵。山。中。觀。樹。杪。一。小。兒。向。日。鼓。舞。視。其。下。乃。伏。一。大。蜈。蚣。長。丈。餘。小。兒。卽。立。其。首。日。漸。升。小。兒。忽。墜。入。蜈。蚣。腦。中。蜈。蚣。從。樹。杪。一。躍。十。數。丈。數。躍。已。不。知。所。之。蜈。蚣。身。黑。若。漆。首。有。金。光。殆。潛。山。中。不。知。幾。何。年。矣。凡。余。所。記。神。怪。事。湖。湘。間。爲。多。豈。昌。黎。所。謂。火。維。地。荒。足。妖。怪。耶。

巫蠱之術爲儒者所不道然竟亦有奇驗者南匯縣周浦鎮有某鋪於某日曾縛縛一人余過而怪之詢諸士人士人云此人以彈花爲業同治間與店某因事口角彈花某因罰去銀錢數元迨某將嫁女于歸有日請一彈花者彈被絮等項適前之彈花者意圖報復謀爲幫工其間彈竣而去迨女適夫家不逾一年夫病沉重繼而姑病繼而翁病彌留牀簀無可爲計聞某卜巫者有奇驗往叩之某曰卜象大異意媳婦嫁衣內有壓蠱之事是以成此一家大病其急驗之不然死無噍類矣女知卜兆急檢衣服箱物皆無證據慈思被絮係某彈花所彈者其或有壓蠱乎急拆視之並無他異適以天晴謂旣拆之宜晾曬一番以除溼氣旣而攤絮在日中反覆檢視則被絮係和合者揭而視之似有物在內爰剖開細視則佛馬十餘張及小白裙小白鞋等女曰是果然矣不然此物何爲乎來哉急白諸母家遂詭稱有事召彈花某至呼人縛而問之則實有其事也

誌產異

程善之

邵陽一婦人孕十四月產一物鉅牙鉤爪虎首人身墮地尺許卽能跳躍其母見之大駭昏絕穩婆亦驚走其父聞聲趨至急裹以被拳擊足踏啾啾有聲久之乃絕視其體雖小而手爪長四尺許利如鋼鉤足指亦堅銳若熊掌被已盡裂其力如此此陳君松籐爲余言者

又高郵一農家婦人生子猶目血口髮被及肩墮地之際嚙穩婆手流血不止亦能跳躍趨至中庭就甕飲水人莫敢近所蓄犬見之力噬其肩則返身鬥犬爪牙傷犬數處其家以挺擊斃之血色青腥臭特甚犬亦舉體流血不止矣此壬寅七月間事

清同治間壽州一酒家婦生子呱呱一聲忽舉目四顧曰我前曾來遊於此今復爲兒耶其家惡之灌以糞喉噎死棄之野室中每夜猶聞嗚嗚聲十餘日乃息

按達爾文氏謂生物有反種之說鴿數傳爲石鴿家畜之馬有時生花條馬余謂人當亦有之若前二則則是也後一則則佛氏輪迴之說庶幾近之

誌胎異

馬汝賢

朱某邑之孝廉也其封翁老年無出禱於邑百善橋之觀音殿夢大士授以楊枝而寤後生孝廉惟生無穀道洗三後排泄不通淹淹欲絕乃重禱於大士翌日微露肛門如被刀割雖纖細如蚓而排泄有道生命以延少長偶飲不消化物則一癩之難甚於婦人之坐蓐曾因誤食枇杷核一枚而臥褥者數日孝廉初受業於先罄生舅父者故知之甚詳

何媪不詳其生產地記其爲一鄉媪之備於子成出家者耳媪身材髮膚無甚異處惟食官特小齒舌

排列一如常人而上下唇之距離僅容一櫻桃之出入想樊素櫻口恐難專美每遇食物必細加嚼割以箸夾入而後咀嚼據云他無所苦惟枵腹時有物不能驟食涎流滿頤殊難爲情耳子兒時喜以食物黝媪頗頗噢咻予從不以爲忤媪多子孫昔常往來於予家十餘年來予望家南北已絕不聞問矣某年哄傳獅子林有連童爭相往觀余亦投資以入二童年齡相若肥瘦亦相差無幾惟眉目不類同胞童甚活潑互相廝搗之者謂係父母據云一人飲酒二人並醉試之不驗有客欲觀其異處者則更須投資其實並無所異惟腰間皮肉連接約三寸許似有斧鑿痕故見者多不以爲異而以爲慘時吳令馬公漁璫微有所聞喚之內署以言嗜童童謂被人拐掠刀剗其肉以藥連接致成此形惟現在攜之者雖非父母確係僧買且相待尙厚云令爲之慘然籤票提其所謂父母者則已逃去二童如何後亦未之聞也

有孕丐臥土地祠呼痛兩晝夜產尺許枯木落地旋轉而仆他丐取以焚之其燼餘與木炭無異巷談謂爲木偶所感而孕然無有研究得其實者

邑元妙觀有江湖賣藝者攜一童年約十四五背生肉鱗一簇作鈍三角形大幾六寸鱗狀似穿山甲而隱有血紋賣藝者逆而批之童楚若不勝者每祖以示人則青蚨飛集予少年選事曾特輪數文一

爲撫摩確知其爲天生而非矯造者亦可異矣。

歲乙巳旅蕪湖長春棧同旅有錢姓者似爲宦途中人其左耳倒置輪廓宛然聽覺亦無異常人館僕好奇以詢待詔之曾爲客取耳者謂耳之結構內外無不顛倒而耳輪上有針孔一個似爲天然之胎異云云。

張家口民趙吳氏坐蓐產一圓物剖之得一男孩垂眉跣坐合掌作呼嚕聲父母謂爲佛菩薩降生甚鍾愛之及長了無所異且極惡僧於佛尤甚。

患兔脣者每缺於上子曾見有缺於下者自下脣平分至頰每逢食事其翁張之狀見者每爲噴飯然於彼當無所困難惟飲湯啜水則一滴入口卽順流而下有調之者謂曰一滴何曾到五臟此人家世頗高文字亦優言論間每引以爲愧聞後經西醫爲之補綴迄已完人矣。

邯鄲縣吏王某其祖顛頂作長方形帽非定購不能貼合其父得遺傳性亦略異常人再傳至某變遷作卵形矣惟前後顛塊然突出乃異尋常耳。

陸奇生直隸深州之鄉農也額間有一凹形儼經斧鑿者兩旁又聳起若山全顛形狀宛如世傳之魁星牙亦外獠墮地不哭而笑其父母欲棄之鄰里勸乃止因名之曰奇生初亦從師讀師泥其狀似魁

星也。頗屬望之。然魯甚三年不能識百字。因棄讀而耕。爲人渾噩無爭。予與邂逅。惟然一老農也。

陳孝伯

馬良

東台夏虎臣太史爲余言。其邑有陳孝伯者。人極慈善。流寓東台。爲木商。其地有一乩壇。頗著靈異。一日乩降壇書云。速往某木行。請陳君來。陳至。乃書一詩曰。廿年不見陳孝伯。今日相逢兩鬢霜。記否岳陽樓上事。酒酣醉筆畫螳螂。陳見詩。伏地叩首。不已。額爲之腫。乩復批云。當日以君居心慈善。故一相助。某公子攜其父賄賂之資。故使之以償君責。今日過此。專爲視君故人無恙。吾去矣。同人詢其故。陳乃述其舊事云。二十年前。本富於資。爲岳州大木商。一日洞庭湖水陡漲。所有木排悉數冲散。計算將所有家資。全數賠償。尙不足二百金。乃在岳陽樓上。獨酌望洋而歎。自念負人之款。無計以償。何顏對人。決計投江以死。正在悶鬱已極之際。座旁忽來一老乞者。此乞者日前爲陳探知其爲流落異鄉者。曾允助以川資。俾回故籍。此際老者至。陳酌之以酒。云。日前吾允助君資。今不能矣。今日吾之所有。盡屬他人之物矣。吾不能以他人之資。轉而助人。因告以木排被水冲散之狀。老人云。事已至此。憂之何益。然君居心若此。結果必不至如此也。乃取其手中之摺扇。以筆塗畫而去。陳亦不置意。以扇搖動時。則見一螳螂躍躍然。與生者無異。平而視之。則墨筆畫一螳螂耳。於是羣相驚訝。因而觀者咸曰。遇仙。

時適有貴公子某路過岳陽聞而往觀問願賣否曰願賣需價幾何答曰價則不自知但某負責二百金倘能以二百金至者則可持扇以去公子固好事即以二百金購之俱聞購去數月後靈驗頓失云陳得二百金乃將欠款還清遂往東台爲小商度日蓋已二十年矣今見此詩故不覺崩角云（此事虎臣親見亂書者）陳素寡交此事亦從未與人言亂壇中人亦不知陳氏有其人者此日降亂虎臣適在座爲所親見陳現年已八十餘兒孫繞膝家道亦小康云

奇疾

嚴復

兵曹某員外有奇疾平生懼見豆每有所往無論爲燕饗爲會食但遇設筵餉客者必先詢席間有豆否如有之雖至戚密友召之亦不至或微問之云見之必病友人故欲試之一日折柬招之飲告言無豆羹並腐乳及醃醬之屬待豆而成者亦無之以堅其信某方敢應召比入筵則每器中各撒以綠豆少許某猝見席間綠豆遽然暈絕風痰上擁友知某果見豆卽病也疾命撤去某亦倏然清醒若未嘗病者天下真有理之所無爲事之所或有者耶不得未接於耳目遂可以臆度天下事也

城上大人

林紆

武強有農夫黃二者一日趁墟將往糶以時味爽俟於城隅仰見一巨人坐而垂足於隍望之約三丈

許○白○面○黑○鬚○冠○幘○頭○紅○袍○而○烏○靴○首○大○如○車○輪○黃○大○驚○卻○走○不○敢○復○出○城○門○之○軌○由○他○途○紆○道○比○至○已○遲○神○其○主○夜○之○流○亞○歟○黃○之○所○遇○神○不○必○有○意○爲○之○然○以○驚○而○往○返○過○時○則○謂○神○之○來○爲○黃○之○故○阻○其○行○亦○無○不○可○夫○小○民○終○歲○勤○動○易○此○升○斗○之○粟○而○神○邊○其○糧○其○歲○糜○糜○祿○者○神○何○以○爲○之○所○耶○或○者○蠅○頭○之○利○亦○有○早○遲○且○有○得○有○不○得○者○則○不○能○曲○爲○之○解○矣○

貓拜月

陳三立

甲○戌○冬○友○人○某○閒○步○中○庭○明○月○如○銀○萬○籟○俱○寂○翹○首○見○平○臺○上○有○貓○五○六○皆○高○拱○前○足○作○下○拜○狀○微○聞○口○鼻○咿○唔○有○聲○若○細○哦○低○唱○者○友○人○猝○觀○斯○異○方○欲○觀○其○拜○畢○若○何○寒○風○逼○人○不○覺○作○嗽○貓○五○六○皆○驚○倒○相○率○遯○跡○聞○之○故○老○貓○拜○月○三○年○若○無○人○見○可○證○狐○仙○不○知○確○否○友○人○云○惜○以○後○不○再○見○之○竟○無○以○驗○斯○言○之○果○否○

近人筆記大觀 卷三 · 奇異類



